






國家圖書館 NATIONAL CENTRAL LIBRARY, TAIWAN, R.O.C



3375416 v-1



國立中央圖書館, NATIONAL CENTRAL LIBRARY, TAIWAN, R.O.C.



明季遺聞目錄

第一卷

紀李賊倡亂本末始辛未四月迄甲申三月

皇清定鼎燕京之績

第二卷

紀和光南渡本末始甲申五月迄九月

第三卷

紀和光南渡本末始甲申十月迄乙酉五月



國立中央圖書館 國家圖書館 NATIONAL CENTRAL LIBRARY, TAIWAN, R.O.C.



皇清削平江浙之烈

第四卷

○ 紀隆武永曆繼立本末始乙酉八月迄庚寅

十二月


皇清底定閩廣之盛

明季遺聞卷一

北都


江左鄆 漪流綺輯

賊李自成初名鴻基陝西米脂縣人也祖海父守
忠世農頗饒自成幼好勇與姪李過即一隻虎為慕於
鄉娶妻有淫行手及之以負債故受過於艾同知
并殺艾懼罪逃入甘肅為兵以功陞把總又殺王
秦將遂為賊初崇正皇帝即位勵精圖治軫恤民



艱憂國用不足務在節省於是給事中劉懋上疏
請裁驛遞可歲省金錢數十餘萬上喜著為令有
濫予者罪不赦部科監司多以此獲譴去天下惴
惴奉法顧秦晉土瘠無田可耕又其民饒膂力貧
無賴者藉水陸舟車奔走自給至是遠無所得食
未幾秦中疊飢斗米千錢民不聊生草根樹皮剝
削殆盡上命御史吳牲賈銀十萬兩往賑然不能
救又失驛站生計遂相聚為盜給事中許國榮御
史姜思睿等知其故具言驛站不當罷上皆不允
眾共切齒於懋呼其名而詛咒之圖其形而叢射
之懋以是自恨死棺至山東莫肯為塋負者至妾
棺旅舍經年不得歸已巳

大清兵薄畿徵四方援兵勤王保定兵首潰餘亦多
中路逃者因與飢民合勢嘯聚山澤秦中鎮將守
臣議賊賊於險據隘殲之可一鼓盡也三邊總督
楊鶴獨力主招撫議賊出險遂橫不可制鶴以此



被逮下詔獄上意必欲誅之以欲用其子嗣昌故

賈其死然首禍寔自鶴云賊既蔓延秦晉間又歲

壬申登萊兵變因調關寧兵馬步二萬討平之朝

議欲乘戰勝精甲渡河進勦兵部尚書張鳳翼家

本山西慮其驅賊入晉也阻之盡放遣兵出關賊

遂得渡河而南因入豫入楚入安廬賊首之有名

號者在秦則稱紫金梁王和滿天星蝎子塊老狗

狗一字王劉小邢管隊領兵王整齊王闕塌天劉姓

過天星張五南營八大王八爪龍徐姓西營八大王張獻

志二隊八大王不沾泥混天王曹操亂世王八隊

闖將張姓張飛飛九條龍五條龍賀雙全高總管等二


十四家晉豫則稱英王王鎮虎朱温趙令軍曹操

吳計過天星郝光混天星荆聯子過江王混世王

大膽王征西王福壽王齊天王密靈王闕和尚老


洞：上天龍出獵雁黑心虎樓山虎新一字王西

營八大王南營八大王北營八大王混天王紫金



梁正天王閻王領兵王老邢四隊六隊八隊闖塌
天順義王等三十二營各擁衆數萬少者萬計蹂
躪直省無虛日時李自成方依關王高氏與劉良
佐自結一隊號關將名不大著癸酉賊在河南沿
山州縣無處不到正月副將芮琦戰死武安二月
中軍曹鳴鶚陷沒趙寨三月賊入清化游擊越效
忠登屋擊賊墮地死游擊陶希謙在武安出禦賊
硯水日暮移營賊乘之落墜死總兵左良玉馳救

清化賊方去復馳武安勝之於三井獲賊首小秦
王總兵曹文詔自晉來援涉勝之於毛嶺五月賊
盡至磁衆十餘萬長可五六十里總兵鄧玘與良
玉會兵彭城尾至林縣之清池柳泉擊敗之殲其
尖騎九天聖等八十一人其分股犯衛輝者巡撫
宣嘒自乘城以却之六月恭將湯九州領昌平兵
至豫時流賊為鄧左周勳三家兵所追方從林走
輝九州自涉米林搗關賊之中堅勝於馬鞍山斬




賊首混天王賊從林奔懷濟鄧左追擊大敗之賊
奔清沿河從溫孟至武涉遁入山復回林縣時湯
九州駐兵水治居安林磁武四邑之要路八月有
陽邑鎮科泉清涼山九龍山王凱寨原康村湖南
七捷斬獲賊目混天猴等左有河村桶黃山八特
三捷俘斬新立一字王殺盡王等周有都里馬鞞
山二捷是月京營副將況寵王樸以禁旅六千至
彰德九月有原康署底涉縣三捷斬獲飛天聖等
兵勢大振賊棄妻子走北奔五臺山既而復回京
營尾于後湯左扼于前京營勝之于元候石坡牛
尾湯兵勝之于青店沙岡賊勢窮迫十一日賀雙
全新虎等因京營乞降然焚掠如故湯九州在林
縣連戰三日勝于兩岔口再勝于安陽夏村又勝
于旁坐寨清涼山共擒斬四百餘級左良玉勝之
于早生斬二百級晉兵曹變蛟亦勝之于涉縣守
備許志忠孔道興等併力進勦賊前隊已連夜走




濟源垣曲遂以二十四日乘水渡河二十六日破
沁池又破盧氏又破伊陽二縣賊渡河後殺掠更
慘和止左帥一軍尾後雖有盧氏銀洞溝刀環川
柳泉之捷而賊眾四掠雒陽新安陝州靈寶閿鄉
盧氏永寧汝州魯山葉縣舞陽遂平確山信陽南
陽裕州 陽桐柏浙川新野內鄉茅州縣賊無不
至十二月十九日賊至鄆城勢逼開歸會日暮雨
雪巡撫玄嘿起湯九州于床曰事急矣宜乘夜襲

之即晚勝之吳城鎮追殺五六十里殺賊盈野斬
四百餘級明日又追及于橫山鎮斬六百餘級皆
殺賊強壯是月二十日左帥有保安之捷又有趙
庄之捷又有平上關黑山之捷七年甲戌正月初
一日巡按劉令譽督京營有牛蹄港之捷出其不
意斬級踰千得此三路大捷賊始狼狽走楚河南
乃寧蓋賊最畏曹文詔其標將曹變蛟更驍勇時
為之謠曰軍中有一曹流賊聞之心胆搖次左良



王湯九州若京營兵賊甚輕之時賊大勦在秦勦
撫未定諸督撫前後數十輩或被譴去或逮繫去
或死西市或戰死逃死不可勝計惟秦督洪承疇
勦禦有方遂自秦撫進五省總督承疇廉勇精韜
鈴率總兵曹文詔曹變蛟左良玉賀人龍等凡破
賊于寧塞于西安于延北于西濠于莊浪斬賊渠
神一魁等招降中斗星等每逐賊奔馳往還數千
里母在官舍過門不入士卒感其義爭為效死楊

嗣昌在樞部忌其才績意弗善也會賊在江北安
廬者以英山霍山為窟穴既野掠黃麻間又破隨
州羅田穎和廬霍相繼告陷鳳陽無城可守雖有
總漕楊一鵬駐扎兵不過二千餘皆市人不習戰
賊至隨破焚皇陵燒享殿一鵬速斬給事中許譽
卿四疏糾劾溫體仁擬旨淮撫不必移鎮以致悞
陵給事中何楷以一鵬為輔臣王應熊座師并糾
應熊應熊竟以此罷相指揮包文達脇中流矢揮




刀臨陣賊迫令卸甲降文達怒罵賊攻其左臂斷
頭而去和州知州蔡和慧學正康正諫總營周廷
儒訓導趙世選霍山教諭龔元祥訓導姚允恭死
之兵部尚書張鶴鳴賊索金幣入其室見昏古玉
及陶器遂刃劈其頂達踵原任御史馬如蛟與兄
運尹如虬諸生如虹一門戰歿原任副使盧謙諸
生韓光祖葉漳等俱死惟江浦斗大孤城知縣李
維樹登陴防禦追賊鏖戰奮臂大呼所向辟易賊

衆宵遁是時殺戮之慘天地為黑有縛人之夫與
父而淫其妻女然後殺之者有驅人之父淫其女
以為戲而後殺之者甚至裸孕婦于前共卜其腹
中男女剖而驗之以為戲一試不已至再至三者
又甚至以大鍋煮油擲孩子于內觀其跳躍啼號
以為樂者又甚至綁人于地主剗其腹寔以米豆
牽羣羊而爭飼之取人之血和米麥為粥以餵馬
驢使之腹壯而能冲敵者所擄人于女百十臨行




不能多帶盡殺而去或殺人而間以蘆葦薪木堆
城下縱火焚之令穢氣烟燻逼城上守兵立仆
上震怒勒限六月平賊齋居武英便殿減膳撤樂
青袍視事以示行間文武甘苦與同之意朝議命
蘆象昇為總理象昇初備兵天雄寇興馳行郡內
嚴檄州縣繕城治具率眾往遇賊數萬象昇弗却
中一矢額傷又一矢僕夫繫馬下象昇提刀戰益
疾賊乘高臨後兵至乃克賊分黨趨城下潛發兵

攻滑象昇知賊計戒守城士勿動選騎出前伏草
莽賊至卒發大敗之斬級數千賊相戒曰此蘆閣
王遇即死不可犯象昇以是有能兵名賊懼南渡
河以以南所至殘燹甲戌郟破命象昇撫郟大
治乙亥命象昇撫楚賊又懼流河南總兵祖寬于
雒陽等處三戰三捷斬級二千軍聲大振象昇遂
晉兵部侍郎總督七省會乙亥歲抄滁州攻圍甚
急知州劉大鞏馳檄請救疾走援奮擊賊大敗象




昇會諸將曰兵貴神速今賊氣已衰失此不擊長
惠安窮蹙兵乘其後又大敗賊遁承襲象昇獨以
數百騎入陣中為賊困二日賊不敢犯象昇與諸
將約曰食盡道窮留此死擊不勝亦死吾當力衝
之乃率騎往擊殺萬人斷食道越三日授文請降
具及之于滁將盡勤無遺顧以淮督朱大典莫為
堵截復逆去會丙子夏六月沐兵象昇疾走秦關
與總督洪承疇議事時秦中之賊方熾豫中之賊

又來凡臨潼郿州渭城^初韓城華州等處承疇隨地
嚴兵阻賊象昇又屢獲奇勝釜魚阱獸賊旦暮可
平乃溫體仁忌功象昇忽受命勤王未幾改宣大
總督而以熊文燦代之文燦惟迎合中朝為事一
意招撫賊勢復烈蓋體仁以象昇為南人不習邊
塞改置重地增其擔負緩則敵之急則殺之此其
積念也後象昇果戰死松杏承疇尋亦改督薊遼
時賊既往來不定豫中又稱要衝關陝以東黃河



以南襄漫以北延袤數千里所在馳突乙亥巡撫
宣嘒罷去代之者陳必謙必謙與象昇協力勦賊
部領諸將左良玉陳永福趙國柱等斬興世王于
鄭縣闖世王于白沙整齊王于宜陽掃地王于鄭
豫患少息已而敕詔到豫必謙知其詐欲令面縛
詣軍門副將王進忠勸賊無功思以款自劾單騎
入賊營為賊所殺必謙竟以此罷賊又破廬氏陷
陝州攻圍永寧破冀庄馮庄等寨及峭峪等十三

村丙子用經畧侍郎王家正巡撫河南時宛南裕
舞一帶巨寇鵬張踞蟠龍山負隅為勢不一年家
正旋罷去陞河北道常道立代之蓋道立幼在楊
鶴銜齋與嗣昌善嗣昌時以本兵入閣也上又憂
賊不即平命內臣盧九德劉元斌率禁旅出討八
月抵河南九德勤幹諳練兵機其把牌中軍黃得
功宋紀皆驍勇絕倫官兵勤賊于真陽縣之張家
灣追至光山千總張國柱被圍游擊苗有才救之



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

而山下雪積坑深方欲收兵賊大隊齊發呼囉：
為號四面合圍官兵大敗夫畧劇賊人有副馬疾
則易之躡技如飛官兵用步卒尾之重斫而至賊
已逸去喘息未定他警又告故將士不勝勞苦終
無成功是年賊勢益熾其在楚者自秦翼明楊世
恩應山一捷斬級五百而後旋遶麻黃一股西犯
德安一股東趨江北破英廬圍安慶副將程龍以
火藥含笑自焚守備陳于玉等俱戰歿十月入舒

城秦將張一龍勝之于啓家岡獲其頭目搖天動
等副將孫應元勝之于烏紗山斬五十餘級太監
劉斌率京營兵鏖戰竟日追殺七十餘里號哭震
天殺賊五百四十二級賊遁入山而秦撫孫傳庭
破殺闖王高氏自成入西川十月初四日冲梨樹
埡口等關副將孔全斌等遁于是破寧菴攻廣元
逆宗朱廷一者時為秦軍株守保寧坐視不救遂
直犯成都蜀撫王維章聽其突入不能扼禦自成



往來階巖間維韋遠問伏法戊寅巡撫常道立奏
賊犯鄧州焚毀周王八營總理熊文燦報賊圍英
山合九路之兵會勦賊從德黃一路潛遁楚撫俞
應桂遠問豫撫常道立招撫關塌天等關塌天本
名劉國能性至孝就撫乃奉其母命也晉撫宋賢
奏混十萬等賊乘虛窺渡攻冠五塔圪塔等寨攻
圍陝州等處官兵禦却之賊拔營遠遁二月官兵
三戰三捷敗賊于鎮平縣生擒草上飛獨脚虎等

斬扒天虎等四人賊渡河間光山等處結連曹操
及托天王整世王混世王十天王紫微星過天星
飛虎八家大賊來商城固始界欲上穎霍等處為
度暑計太監盧九德分布官兵迎擊大敗賊于山
石橋擒賊抵地虎黑旋風等三月巡道張天經又
敗賊于黃福店斬獲無算招降賊首飛天師等五
月總兵左光先又三敗賊于大寨地方六月陳永
福又大敗之于饒良鎮嗣是官兵又敗之于宜陽



連庄雍家庄林家庄等處左良玉又大敗之于高
坡混十萬本名侯世範帶傷遁妻子囚執入省混十萬
亦旋降九月內臣盧九德扼之于襄撫臣常道立
擊之于鄧監軍張大經總兵劉澤清左良玉張任
學擊之于襄承隨東汝許十月張任學又敗之于
高庄賊南北無路轉戰敗逃凡曹操掘裡眼托天
王過天星等賊在豫在楚者無不分頭竄竄已卯
三月漕撫中軍劉良佐有光山之捷安廬巡道湯

開遠有舒城三捷賊漸西奔張獻忠曹操因入房
竹山中獻忠榆林人初為小賊號黃虎後為賊帥
稱八大王假官兵旗襲南陽屯南關左良玉適至
疑而召之獻窘逸去良玉追及兩馬相望一箭中
其眉心一箭釘其中指于弓靶獻倉皇間良玉舉
刀劈其面血流被甲孫可望力前格之得免逃至
麻城左帥追勦之一晝夜行以百里至穀城戍寅
正月初九夜破之出示民曰本營志在匡亂已逆




闖兵遠遁本營釋甲歸朝乃拘耆老具結遣可望
以碧玉長尺餘者二方圓徑寸珠二枚賄文燦請
降文燦許焉以倉事張大經監其軍文燦庸鄙無
能駐節襄陽于後園種蔬日用數十人灌溉時旱
郡邑中文祈雨文燦批文云園蔬茁茂禾苗何以
獨枯不過奸民為道糧地耳其設施如此左良玉
謀于巡按林銘球巡道王瑞旃欲誘執獻文燦曰
殺降不祥力庇之乃移其營于城內獻恃文燦益

無忌私練士卒造軍器穀城諸生徐以顯一見如
故教以孫吳兵法又乞職銜索月餉且請迺陝盧
靈閿五州縣屯馬步兵六千已卯春獻忠叛形愈
著良玉請討之文燦故彭靈其事使獻知之強留
良玉飲餞稽延時日獻從容盡運兵械入房山文
燦始催出兵則獻已叛矣是時文燦招撫十三家
賊蜂屯蟻聚中州一帶旋撫叛巡按徐一范謂
可勦之機會與能勦之物力都從撫棄錯過良不



誣也穀城令阮之鈿漚血書絕命詞死之良玉聞
變曰經畧縱虎負嵎使我櫻之不去必以逕過罪
戒令旗至即冒暑進兵遇伏大敗良玉列其狀文
燦死西市命嗣昌代之上寵餞甚至親賦鏡歌二
首贈行御史張肯堂請著為令有創為撫說者議
出編氓行伍以奸細論議議出道將紳衿以通賊論
議出督撫鎮帥以誤國論疏入嗣昌弗善也嗣昌
首倡聚斂一議加餉餉三百萬而又加練餉七百

三十萬餘兩合舊派每年加二千三百萬以致民
窮盜起至是力以減賊自任賊初聞嗣昌出頗心
怖及嗣昌抵任踵襲文燦招撫故智謀以鄙事委
鄭撫袁繼咸楚事委楚撫宋一鶴一鶴貪懦巧諂
以嗣昌父名鶴投揭自署其名曰一鳥楚人爭傳
笑之嗣昌對守年餘一籌莫展自撤白虎之險縱
賊入川賊勢益張不可收拾嗣昌妄聽楊卓然之
說謂獻賊難圖革左易撫輒思舍難就易撤左良




王昶皖駕言川中零賊不足復頓大兵軍中咸知
失計良王探識其奸率兵竟去連發十九檄追之
不返賊復出無當關者矣且賊由西北陸走襄陽
而嗣昌由西南水走夷陵岐路相避猶飾稱鞭長
不及甚至地方失事不上聞而又虛設換級勳
云寇不足慮瀘州知州蘇瓊等死于賊嗣昌復砍
其頭充級報功羣賊愈無所憚庚寅六月左良玉
遣降將劉國能圍獻於瑪瑙山獻倉盡分兵四出

抄糧不得糧歸者盡殺之未歸者詣嗣昌降良玉
使國能將之前行詐稱糧至獻開營延入國能衆
掃其營壘擒其妻孥與徐以顯潘獨鰲等送襄陽
獄獻忠攀藤越嶺逃去襄陽知府王承曾素縱酒
漁色見獻忠妾悅之故疎其防嗣昌檄至獻邀于
路取檄遣賊偽為公差夜叩襄陽城門巡道張克
儉見符驗延之入時辛巳二月初五日也瀘四下
賊攻襄王府楚瑞禮門尋執襄王殺之破獄出以



顯獨鰲等獨鰲者應山諸生富而吝縣令安其財
使人訐其不法鰲憤甚越獄投賊獻之文移皆出
其手署襄陽事李天覺城破北面叩首置印于案
自縊推官鄭曰廣被執大罵不屈死之已而破隨
州知州徐世淳埋印署後勒馬巷戰矢貫于颞刀
屬于頰眼鼻橫斷墮馬右手握印箱左手掣佩刀
賊鉞刀交下臨胸穴收以死于肇梁亦遇害嗣昌
在荆慙憤縊死廷臣交章論劾上下其議禮部侍

郎蔣德璟謂其奸欺悞國請用嘉靖中仇鸞例斷
棺戮屍然上竟不罪嗣昌也嗣昌之在蜀也安坐
順慶公署題扁自旌大書益梅上將迨瀘州破後
連陷數邑嗣昌猶在醉夢中多隘索于綁賊蜀中
爭傳笑之上以襄陽破故逮卹撫衷繼咸繼咸立
朝員直聲督學山西隘兵淮揚武昌所至以清惠
稱吏民歌思之至是合辭叩閣繼咸亦出嗣昌手
書明己無罪尋察其枉赦之方獻與曹操九股之



© The Tiffen Company, 2007

TIFFEN Color Control Patches

Blue

Cyan

Green

Yellow

Red

Magenta

White

3/Color

Black


在房竹山中也李自成往依馮獻謀殺自成自成
覺而逃去入蜀曹操者本羅汝才與李自成同伙
高氏高被擒汝才走楚已卯自成自川潛渡入豫
取洛陽殺福王內官崔升甫十三歲勸福王寧死
勿屈抱王不去并見害又破永寧殺萬安王事聞
上震悼兵科張縉奏福王身死社稷守國大義
日月爭光葬祭宜厚從之吏科章正宸奏闖賊從
四川來兵部尚書陳新甲急奏賊自秦來不自川

來蓋嗣昌方奏扼賊于川言從川來則責在嗣昌
也又破葉縣降將劉國能守葉自刎死其妻先死
其子方八歲闖賊入城抱置膝上欲收養之不從
自解所帶小刀自刎死自成既入洛撰九問九勸
諸將 號呂羣盜勾引飢民遂為闖王辛巳自成
獨雄一部汝才改稱曹營自成進圍汴梁總兵陳
永福從城上射自成中其左目幾死督臣丁啓睿
率諸將左良玉虎大威等集兵米仙鎮與自成戰




全師皆潰六月闞營分兵東南下敗官軍于棗陽
復回豫破南陽殺總兵猛如虎與官兵戰于郟城
賊眾折傷適秦撫汪喬年又敗于襄城喬年死之
賊省其甲馬火砲乘勢破歸德復圍汴官軍敗績
于水坡賊勢張甚巡撫高名銜推官黃澍固守不
下壬午五月自成遂決河灌汴城中諸貴官欲為
自脫計亦鑿堤引水汴梁遂陷名銜與澍等乘舟
潰圍出走餘淹沒死者數十萬眾上念防守勞苦

不深罪但罷名銜官而已蘄黃之寇復與闞合諸
渠帥皆戴闞王革則賀一龍老胡：則馬守應胡
闞則蘭養成爭世王賀錦治世王劉希堯皆為闞
偏裨及破襄陽下荊州合兵鄖陽闞令胡守夷陵
以犯澧常革趨德安以窺黃麻十二月臨承天賊
遣偽將王先生決顯陵求寶偽陽五知州張聯奎
多隆鋤鋤獻菓求歡賊方舉事欽風雷大作晝晦
聯奎見金甲將手持金瓜當頂一擊即昏迷跌地




口鼻流血一夜而死聯奎宣城諸生其妻何氏固
以貌都為賊所執守節不從慷慨遇難者也克生
抓去不知所在衆賊驚散闖大懼遂不敢動曹賊
羅汝才聞之以天命未改潛謀歸順欲殺自成獻
功尋以印馬分營起自成疑癸未三月十日自成
設酒縛革明日碎至曹營斬羅三部將楊承祖素
驍勇率衆盡走鄭陽投守臣徐起元起元守鄭數
年處強敵之間竟保殘疆無恙皆羅兵力也徇在

澧閩變闖調其兵回襄不從闖既廢收部曲設偽
號自稱倡義大元帥為一品權將軍二品制將軍
三品果毅四品威武五品皆將軍六品掌旅八品
部總九品哨總所授將帥田見秀劉宗敏賀錦張
鼐黨守素辛思宗客可成李友任繼忠吳光義劉
芳亮劉希堯李過自成等共兵二百三十餘隊總
計馬步兵六百餘萬每隊立一標旂行營望之而
走標營用白旗蠡皆用黑左右前後分用黑白紅




黃邑而轟隨之自壬午年夏破荆初改防禦使府
尹州牧縣尹至癸未正月欽天監博士楊永裕投
闕更設六政府侍郎：中從事諸官屬侍郎則喻
上猷蕭應坤楊承裕郎中徐邱王家柱鄧岩忠從
事顧君恩郭附龍傅朝升防禦則孟長庚陳蓋李
之綱吳大鴈黃闔金有章府尹則張虞機姚胤錫
牛詮劉蘇鄧璉劉茂光又使任光榮守荊蘭養成
守夷陵王文耀守澧白旺守安陸葉雲林守荊門

謝應龍守漢川馬世大守景陵高一功守信陽周
鳳梧守禹州兵鋒所至人心惶：皆棄城奔走大
江南北人無固志獻忠因得乘機攻取先是壬午
六月破黃安十二月破黃梅癸未正月破荆承荆
王播遷道臣張鳳翥鍾祥知縣蕭漢死之三月蕪
水鄉宦周之任勾賊破城道臣許文岐死之已而
臨黃州黃陂鄉宦歐陽玖迎降惟樊維城殉節維
城固孝介公玉衡侄其父玉衡以御史抗言國本




血面剝腹橫戈倒磔以死長沙推官蔡道憲殉義
最烈而江西東吉一帶面：與楚相通賊從萍鄉
萬載永新三路突犯吉安：福廬陵吉水俱破後
由湖南復入川據險設官爵大叛改元義武置左
右丞相以徐以顯為右丞相潘獨薰為中書舍人
築宮室臺觀置酒自娛不復出上命江鳳黠粵各
督及耶皖江沅各撫合兵勦賊方獻忠士午之破
武昌也左良玉避其鋒擁兵九江不敢逼及獻既

入蜀良玉畧定武昌澧陵長沙湘潭湘陰并湖南
一帶又復岳州監利石首上安德安隨州等處總
督呂大器又復袁州萍鄉萬載吉安廬陵吉水永
新水和安福等處大器沉毅知兵方入援時路過
峽江城門四閉聞是官兵反行遮殺詔以八王兵
到開門出迎手持縣印口稱千歲備有大馬二十
五匹糧草無數新舊知縣俱已拿下聽候發落大
器立取奸民稟示之次第恢復時自成已據全洛



直窺陝西總督孫傳庭故將家子然性怯懦不知
兵好大言九邊精銳志隸麾下又據潼關之險自
成欲誘致之每戰輒遣精銳驅難民當前因是多
所斬獲傳庭志益驕屢疏奏捷且上言有自賊中
逃回者言賊間臣名皆驚潰上信之因呂對羣臣
出傳庭疏示眾兵部侍郎張鳳翔獨言賊素狡多
詐示弱不可信且傳庭所統皆良將勁兵不如為
陛下留此家當上目憚之羣臣窺上意爭請命傳

庭進勦未幾果覆師乃削傳庭職充為事官扼守
潼關加白廣恩陝西總兵官提兵援勦進士程源
疏言殲大寇必圖大舉合數十萬之眾八面而齊
攻之誰應援誰聲寔誰牽制誰批腹着：照應使
之疲于奔命救援不暇然後可一鼓成擒乞勅傳
庭憑關固守勿事浪戰書奏不省十月初六日傳
庭開關延敵賊伏精銳關前引傳庭出遂奪關入
三秦頓失改西安為長安府十一月考校州縣生




員一等與六政府屬二等與州縣三等與佐貳是
月攻榆林不利再攻乃克又攻慶陽亦克一時死
職者巡撫馮師孔按察使黃綱長安知縣吳從義
渭南知縣楊暄蒲城知縣朱一統商州巡道黃世
清慶陽守道段復興慶陽知府董琬榆林守道都
任合門雉經中部知縣朱新達自知城守不支先
令妻妾縊一妾尚未配合新達叱令去妾不可垂
涇甘縊然後新達自盡原任總兵尤世威舉家百

口付之烈臨身冲鋒又戰死街心原任總兵侯世
祿侯拱極王學書王世欽王世國李昌期原任副
將瞿文常懷德李登龍張發揚明原任游擊孫貴
龍養崑原任守備白慎衡全家叙見任游擊傅德
惠憲滿國臣李國奇晏維新陳二典劉芳馨劉廷
杰文侯國見任守備尤勉惠漸賀天雷楊以偉掌
印指揮李文煨皆不屈死而鄉紳死難則原任吏
部尚書南師仲禮部主事南居業山東巡按御史




王道純誥封副都御史朱常德宗室舉人朱誼采
原任太常少卿麻僖原任大同巡撫焦源以以萬
賦斷吉死原任宣府巡撫焦源清以不受偽職死
原任磁州巡道祝萬齡深衣大帶至關中書院斯
道中天閣下哭拜宣聖從容自經死朝議以兵部
右侍郎俞應桂為總督而命御史霍達監其軍達
秦人也夙負才畧習知地利土著故用之十一月
初三日上召對諭以有真勦然後有真撫有好將

自有好兵有好有司自有好百姓在爾寔心為之
命達作速前去料理達痛哭數陳言西安若在臣
不惜死以報皇上比至則偽官充斥赴任無地脫
是時中樞稍知兵當賊困榆關勿徂小喜預請濟
師為犄角可令賊奪氣去即不然而堅壁死守勤
王兵集賊亦為奔獸散乃一籌莫展束手待斃迨
甲申春正月大司馬張縉彥方奉召至雖拮据綢
繆而賊已由秦越晉直薄畿南勢如破竹莫有當




邊未知如何明齋曰惟命不予常善則得之不善
則失之天命微密全在人事人定勝天皇上此舉
正合天心差之毫釐謬以千里知幾其神况事勢
已至此極詎可輕忽因循一不速決異日有噬臍
之憂當局者迷旁觀者清皇上可內斷之聖心外
度之時勢不可一刻遲延者也若菜舍道旁三年
不成此事後雖欲差有不及為者矣言之痛心^切上
四顧無人云此事戒已久欲行因無人贊策故遲

至今汝意與朕合此意決矣但外邊諸臣不從奈
何爾且密之密之上復間中遂接濟齋奏沿途接
濟固不可少然不如四路設兵四路者東山東西
河南此旱路也登萊海船通州運河此水路也然
皇上却應從東小路輕車南行抵淮上二十日文
王柔順孔子微服此之謂也上曰然：此事重大
不可輕洩：則罪坐汝齋奏臣謀之臣敢洩之乎
但祈皇上聖斷皇上但出門一步龍騰虎躍不旋




踵而天下運之掌上若兀坐北京堅守危城無益也上曰朕知道了隨退還宮賜宴于文昭閣日午上又召對內殿睿極陳故卜考選之弊請著為令不立邊功不許故卜不立邊功不許考選又言兵餉缺之民窮財盡目前只有速發內帑足濟燃眉上言內帑如洗一毫無措睿奏祖宗三百年來積蓄度不至是上曰其寔無有命出外賜茶未幾夜漏初傳上又召睿進內近御案問所奏事即欲行

之誰可接濟途間用何等官員領兵措餉駐扎何等地方睿奏濟寧淮安俱緊要地方不可不設官須擇重臣領兵領餉皇上雖間道微行此兩處扼要不可不豫為防又問是何等官銜睿奏須戶兵二部堂上官上曰然此時兵俱在關門大將俱在各邊調遣甚難奈何睿奏近京八府尚可召募皇上此行京城尚需人料理關門兵不可盡撤各邊大將不可輕調惟有在內公侯伯及內閣六部文




武大臣皇上不好召至御前面試其才能推轂而
遣之上曰然齋復奏內帑不可不發除皇上服御
外一毫俱是長物當發出犒賞軍士萬一行至中
途賞賜不足區處甚難留之火內不過朽蠹先時
發出一錢可當二錢之用急時與人萬錢不抵一
錢之費上又曰然戶部也着措置齋復奏靠不得
外邊如今三空四盡戶部決難湊手乞皇上自為
宗廟社稷計決而行之無待臨渴掘井也上皆領

之須臾漏下二鼓命齋出宮大學士李建泰自言
西人知賊中事請督兵真保以抵賊衝上壯之命
為督師揮吉二十六日寅時告太廟卯時行授鉞
禮殿梁響聲大作如摧折然巳時駕登正陽門樓
親餞官軍旗幟十餘萬自午門外排至正陽門外
旌旗金鼓甚盛文武百官聞召俱至上慰諭建泰
再三曰先生此去如朕親行賜坐賜宴列席十九
文東武西御席居中御用金臺爵皆嵌大寶石是




巡撫蔡懋德南北策應大慶風陵兩挫賊鋒尋以
保德州告急還省巡按御史汪宗友特糾其懦以
郭景昌代之未至副將陳尚智授賊為前驅總督
俞應桂畏賊甚遲廻河上一無所為二十九日賊
從沙渴竟渡三晉遂成破竹之勢既臨平陽直因
太原賊馬步號五十萬懋德誓眾死守登陴拒敵
矢石大藥傷賊甚眾裨將朱孔訓牛勇力戰死之
已而城東南角樓砲裂焚毀風沙陟作對面莫辨

守門將張雄為賊內應城遂陷時二月十五日也
懋德繕遺疏授背書知縣賈士璋遂自刎為眾所
奪中軍應時盛扶上馬欲衛出城懋德曰吾封疆
之臣應死封疆汝輩自去豈欲陷吾不忠乎遂至
書院三立祠惟時盛相隨懋德南向自縊軀輕氣
未絕時盛解鍬中覆其身候氣絕亦東向自勒死
蓋時盛係遼諸生為懋德識拔隸麾下見草遺疏
即歸寓殺其妻妾與十四歲子期以死殉布政趙




建極巡按陳純德等同死四十六人十六日賊到
忻州進攻代州五臺知縣授降地方官有載牛酒
以迎者有陷于女以獻者上集府部九卿翰林科
道等官會議禦寇措餉長策令各書單進呈內言
措餉如贖罪勸輸及勲戚人等多貯本邑近海州
縣宜輸本邑裁冗將急屯壘監鑄海運言勦寇如
鼓勵土寨攻潼關收拾枝勇令畿內州縣各自扼
守徵遺逆以收人才徵鎮藩以省兵費皆切寔可

用踰日又召對上手總憲李邦華密疏內云輔臣
知而未敢言其試問之上問何事陳演對中允李
明睿疏少詹項煜議單先是邦華與明睿私議南
遷上親行與東宮孰便明睿曰太子少不更事票
命則不威專命則不敬不如皇上親行為便於召
對後即繼以疏大畧謂今日所最急者無如親征
一事京營甲兵不下數十萬近畿召募可得數十
萬但得聖駕一出四方忠臣義士英雄豪傑必有




聞風響應者昔太祖高皇帝不嘗戰於鄱陽乎成
祖文皇帝不嘗戰於漠北乎世宗肅皇帝不嘗幸
承天乎祖宗勩業艱難櫛風沐雨披荆棘斬草莽
皇上欲安坐而享之乎此何時也而為此迂濶不
切之論乎黃帝曰日中見芻操刀必割言貴時也
時者難得而易失者也山東諸王府皆有宮殿聖
駕不妨暫駐蹕焉待大兵雲集勤王之師畢至然
後徐議西征賊聞天子自來神武先已伐謀勢必

倒戈相向而又運河設船登萊跨海山東河南兩
路並進切近鳳陽祖陵在焉皇上又可駐蹕夫親
征之舉以號召忠義皇上倡之不必皇上自為之
也南京尚有兵部尚書史可法操江誠意伯劉孔
昭此皆忠良曉暢軍務可寄以大事皇上不好呂
而與之謀事無大小悉以諮之必能推陷廓清建
此中興大業臣又聞居庸一帶無兵把守昌平一
路無人控扼奸人從旁窺伺中官妄意綢繆實非




完善一策伏乞即日調度諸將從皇陵山外繞鞏
華城俱宿重兵命東宮居守入則監國出則撫軍
此皇太子之職皇上吉日起行留相臣魏藻德方
岳貢護衛東宮輔導起居料理居守兵事三韓重
地皇上自為督率六飛親駕萬姓雷動兵士氣鼓
軍中皆呼萬歲真定以來順天以西可無慮賊氛
之充斥矣不然日逐一日優柔不斷天下大事尚
可為哉疏入上深許之下部速議而兵科給事中

光時亨首參為邪說言不殺明睿不足以安人心
睿復上疏言臣勸皇上親征非聽說也古人已行
之矣古人用兵有為弔民伐罪而出者湯武是也
有為復仇雪耻而出者光武是也有為爰整祖旅
以遏徂旅而出者文王是也有為蚩尤逆命而出
者黃帝戰于涿鹿是也此皆聖帝明王與英君誼
辭不忍天下之貼危冒白及犯鋒鏑以身先士卒
非好之也有所大不得已也皇上試思昔之開天




關地者無如漢高祖唐太宗宋太祖有一不從戰
爭撻伐中磨礪而出者乎戎朝開天闢地者無如
高皇帝有一不從衝鋒陷陣而成者乎若使鄱陽
之戰稍懈或命將出師而不親歷戰場將見偽漢
立奪南昌而東南半壁之大事去矣皇上一言一
動無不法祖而謂今日之舉有拂于高皇帝之心
乎且今日臣之進言為親征也而諸臣妄意以為
南遷就使皇上發策南遷此亦救時急着易曰利

用為依遷國書經盤庚一篇皆言遷國之事唐室
再遷再復宋室一遷南渡傳國一百五十年若唐
宋不遷當時已早繫組北轅又何有于靈武：林
之恢復又何有于百年百五十年之歷數哉上時
簡閱嘿然即召光時亨入面詰曰一樣邪說却只
恭李明齋何也顯是朋黨又曰光時亨阻朕南行
本應處斬姑饒這遭然而南遷之議寢矣事介呼
吸一失莫道分初太監高起潛等十人監制寧前




通津各鎮兵部尚書張縉彥疏言今日糧餉中斷
士馬虧折督撫各官危担欲卸重責欲分若一時
而添內臣十員不惟物力不繼有失體統抑且事
權分掣大悞封疆不聽又遣太監王坤同給事中
馮嘉植韓加愈率朝薦往直浙閩廣督餉戶部尚
書倪元璐兵部侍郎金之俊等合疏諫止亦不聽
三月朔己丑昌平兵變京師戒嚴上傳勳戚科道
分守九門辛卯出兵部尚書張國維于獄命往浙

直督理兵餉加魏藻德兵部尚書天津調兵方岳
首戶部尚書濟寧督餉不果行壬辰欽天監奏帝
星下移詔加修省大學士蔣德璟予告回籍癸巳
發內帑十萬遣太監杜之秩總察官唐通協守居
庸關封疆重犯俱許捐贖又加太康伯張國紀嘉
定伯周奎侯爵各蠲萬金太監王永祚曹化淳蠲
至三萬五萬而特賜建坊廕子以示優異又設黃
綾冊募百官蠲助有以衙門分任者有以省直粟



集者大小不遺一人甲午封唐通定西伯吳三桂
平西伯黃得功靖南洵左良玉寧南伯劉澤清東
平伯乙未賊陷大同巡撫衛景瑗死之丙中臨寧
武總兵周遇吉死之遇吉夫婦臨陣殲賊無數賊
誘降不從反力盡全家赴火賊屠其城是日隨至
宣府人無固志巡撫朱之馮自殺總兵姜勳降丁
酉臨陽和己亥至居庸杜之秩唐通降巡撫何謙
遁隨破昌平總兵李之鐸自殺辛丑兵部尚書張

縉彥議刻期調勤王兵壬寅頒罪己詔大畧云朕
為民父不得而卵翼之民為朕子不得而襁褓之
坐令秦豫邱墟江楚腥穢貽耻宗社負疚默黎罪
非朕躬誰任其責所以使民罹鋒鏑陷水火血流
成壑骸積成山者皆朕之過也使民輸芻輓粟居
送行齋加賦急無藝之征預支有稱貸之苦者又
朕之過也使民室如懸磬田盡汙萊望烟屋而無
門號冷風而絕命者又朕之過也使民日月告凶




Centimetres
© The Tiffen Company, 2007

TIFFEN Color Control Patches

Blue Cyan Green Yellow Red Magenta White 3/Color Black

早濬游至師旅頻仍疫癘為殃上千天地之和下
叢室家之怨者又朕之過也至于任大臣而不法
用小臣而不廉言宜首鼠而議不清武將驕懦而
功不舉皆由朕撫馭失道誠感未孚終夜以思跼
躋無地用是大告天下痛加劾艾要在惜人才以
培元氣守舊制以息煩囂行不忍人之政以收人
心蠲額外之科以養民力念用兵征餉原非得已
各撫按官亟飭有司多方勸輸無失撫字倘有擅


加耗羨朦混私征又濫罰濫刑致民不堪命者立
行拿問其有流亡來歸除盡豁逋賦仍加安插賑
濟毋致失所至于文武罪廢才果堪用着吏兵部
確核推舉若革澤豪傑之士有能恢復一郡一邑
者便與分官世襲即陷沒脇從之流有能反正來
歸者准與赦罪立功若能擒斬闖獻仍手通侯之
賞起復太監曹化淳守城又命收葬魏忠賢骸骨
時日色連白無光是夜風沙刮天癸卯賊權將軍



萬金賞購先帝未幾得太子諸王幽宗敏營中內
庫尚存鎮庫金銀無數掌書宮人杜氏陳氏竇氏
為賊所錄明日賊出示安民午刻得先帝凶問縊
于煤山之紅閣紅閣者先帝為內操持建者也司
禮太監王之心跪帝膝前引帶扼脰同死所御元
色錄邊白綿細背心有御筆血詔云朕在位十七
年薄德匪躬上違天罪至入內地四次逆賊直
逼京師諸臣誤朕也朕無顏見祖宗于地下將髮

覆面而死注賊分裂朕尸勿傷我百姓一人初燕
都之遷鼎也大內有密室劉誠意留秘託鑄鍵甚
固相誠非大變勿啓癸未秋

大清兵圍城上啓視室中惟一櫃發之得繪圖三軸
第一圖繪文武百官數千俱手執朝服披髮亂走
上詰問內臣答曰或恐官多法亂第二圖繪兵將
倒戈棄甲窮民負襁奔走狀上又問內臣答云想
軍民背叛也上勃然變色再展第三圖：像酷肖




Centimetres
© The Tiffen Company, 2007

TIFFEN Color Control Patches

Blue Cyan Green Yellow Red Magenta White 3/Color Black


聖容身穿白背心右足跣左足有襪履披髮中懸
於今日分毫不爽賊命以雙扉昇帝后于東華門
側歛以柳棺履以蓮廠莫有敢往哭者賊命百官
次早見朝又拘各衙門長班報名先後死節最著
者刑部侍郎孟兆祥死正陽門下于進士章明合
家自殺大學士范景文光不食三日城陷號泣投
井死戶部尚書倪元璐紗情絳衣以酒奠漢壽亭
侯南面坐自縊死翰林院簡討汪偉貽書戒子以

忠孝引鄉先輩趙昂發夫婦為比大書壁上身不
可辱志不可降夫妻同殉節義成雙同妻耿氏正
位自縊死吏部員外許直賦詩六章有願侍吾君
謁諸帝祈哀仍使國威揚丹心未雪生前恨青簡
空留死後聲之句冠服自縊死左都御史李邦華
聞變拜闕自題壁曰堂：丈夫聖賢為徒忠孝大
節之死靡他走文丞相祠自縊死左諭德劉理順
題壁有云成仁取義孔孟所傳文信踐之吾何不




然科名既占豈肯苟全三忠祠內無愧前賢與妻
萬氏妾李氏及僕四人俱縊死兵部主事金鉅易
麻素加冠袍躍入皇城御河死母章氏妾王氏弟
琮同時赴井死大理卿凌義渠慟哭觸柱血淋漓
沾袖盡焚所著書易緋衣設香案再拜自縊死遺
命惟曰死後書我柩云死節孤臣凌義渠之柩如
是而已兵部主事成德貽書諭德馬世奇相約死
難以慷慨從容二我為質操難哭奠梓宮前叩首

觸隋死母張氏亦自縊左諭德周鳳翔同二妾自
經死賦絕命詩有云碧血九原休聖主白頭二老
望忠魂太常少卿吳麟徵走三元祠索酒痛飲絕
筆以身居諫垣不能匡國法應禡服殮時用角巾
青衫履以單衾墊以布席棺宜速歸為言又寄弟
麟瑞書則憂江南有事寄從弟書則明生平欲學
文山之志寄諸子則教以讀書明理遂投繯死右
諭德馬世奇沐浴衣冠捧所署司經局印北面再




拜付僕間赴行在復南面拜母與二妾朱氏李氏
同盡其未死前答兵部成德書以吾輩舍一死更
無別法吾不為其難誰為其難者御史王章與光
時亨巡城賊奄至此下馬時亨降章不屈賊砍三
刀墮城下死戎政侍郎王家彥督守安定門：破
以不得追隨乘輿觸死輦前為恨走民間空屋繼
死副都御史施邦曜太僕寺丞申佳胤刑科都給
事中吳甘來御史陳良謨俱自縊死甘來先期托

子與友賦詩有云君臣義命乾坤晚孤氣干戈風
雨秋邦曜賦詩有云慚無半策匡時難惟有微軀
報聖恩良謨妻時氏從之勲戚則新樂侯劉文炳
揮一大井合男女十六人盡投其中縱火焚宅慄
慨躍入就義最烈惠安伯張慶臻盡散財物于親
戚置酒團飲四面積薪全家共焚東宮侍衛周鏡
母妻一門俱殉駙馬都尉鞏永固子女數人悲繫
公主樞前縱火焚宅大書世受國恩身不可辱八




字然後就縊他若中書舍人宋天顯賊迫書偽詔
天顯擲筆謾罵觸階死衛經歷施薄仰藥死毛維
張拷掠死順天府學教官五人同縊明倫堂上工
部郎中李逢申主事王鍾彥順天府推官劉有瀾
光祿署丞于騰蛟副兵馬指揮姚成錦衣衛指揮
李若璉街道房千戶高文采英國公張世澤清平
伯吳遵周陽武伯薛濂博平侯郭振明永寧伯王
長錫彰武侯楊某太監王承恩王之俊俱死之而

江米巷口有傳神者夫婦同縊又有童生周性情
激槌胸嘔血數升一慟而絕布衣湯文瓊自刎死
生員曹文曜居氏田氏李小槐合門俱死文瓊書
其身曰位非文丞相之位心存文丞相之心識者
哀之在外則蘇州諸生許玟聞變痛哭絕粒不食
號呼先帝以卒襄城伯李國楨請勿犯陵寢改殯
先帝后勿害太子二王三事賊並諾乃易他棺葬
以帝祭以王數日後葬于田貴妃墓之斜惟國楨




一人往送國楨隨自殺各官皆責助餉極刑榜掠
陳漢獻至銀三萬兩金三十兩珠三斗丘瑜初被
執即自縊為賊救醒後服冰片死其未執前即書
絕命詞有云百歲春光強半過匡時力短媿鳴珂
詩書萬卷都無用惟有先賢正氣歌又諄：匏子
之歎以忠孝有到處青山可埋吾骨何必故鄉等
語方岳負魏藻德俱被刑藻德自勒死岳負不食
死其餘或用或逃或刑姓氏未詳兵將充塞街巷

恣意淫掠惟殉難諸臣門賊令不許騷擾盡放背
城罪囚是時畿內各屬望風歸順惟保定猶誓死
拒戰至四面環攻力竭不支二十四日方陷一時
在事諸臣則有甫到未任知府何復親放藥礮被
火燒死同知邵宗立即時投繯太監方正化城頭
殺死鄉紳則光祿少卿張羅彥自縊進士張羅俊
罵賊被殺武進士張羅輔城破巷戰手及數人而
死以及婦女幼子張氏一門死者二十餘人御史




金敏峒分守西門奮拳擊賊投井妻王氏自縊侄
振孫為賊支解子嬰媳陳氏與其祖母張氏母楊
氏嫂常氏俱投井死都指揮劉忠嗣罵不絕口身
被數鎗立死不屈舉人張爾翬抗賊被殺高涇被
執殺死水中河間知府方文耀亦死明朝制度賊
任意紛更閣改天祐等名六部尚書為政府翰林
院為和文館文選司為文諭院御史為直指給事
中為諫議主事為從政布政為統會巡撫為節度

使按察為防禦使尚寶為尚邦司太僕寺為驗馬
寺通政使為知政使中書為書寫房府為尹州為
牧縣為令武臣守備為守領柁總為守旅公服領
尚方以雲為級一品雲一二品雲二乃至九品雲
志如之帶用犀銀角三等廢輿乘馬大篆曰符小
篆曰契光鑄永昌錢字不成文又鑄九璽不成每
陸御座輒日眩頭暈見白衣人數丈長者前五四
月三六九日官氏三次勸進其文有云比堯舜而



多武功邁湯武而無慚德賊命毀太廟神主遷太
祖神主于歷代帝王廟中擇二十九日登極受朝
賀庶吉士魏學濂死之濂固忠節公大中之于孝
子學伊弟也先是濂遣閭使走洛城聯絡義旅冀
得一當翼輔皇嗣既聞太子二王俱為賊得知事
不可為遂被^就縊其絕命詞有云忠孝千古事於我
只家風一死輕鴻毛臨難煩從容有血麗微軀官
卑非詩中有舌且存之并遜常山公因約同志友

延頸受霜鋒不能張空拳與彼爭雌雄不能奉龍
種再造成奇功死且有餘罪何敢言丹忠所痛母
垂白七十仍尸饜未奠凡五喪留與子侄封人生
誰百年壽夭死所同我比凡與弟戎年獨為豐高
堂無復悲譬不生阿儂辭母却就父生死猶西東
骸骨雖不歸即瘞此詩筒墓木有拱時清韻入楸
松是時吳三桂率兵入關報至軍民鼎沸蓋三桂
以征遠前鋒將軍宿重兵于寧遠城計其部下原



有寧遠精兵四萬遠氏七八萬皆耐棹戰而夷丁
數千尤為雄悍賊素畏之先是朝議撤寧遠守關
門三桂與薊督王永吉遠撫叅王田大司馬張縉
彥主之謂寧遠孤懸二百里外四面阻敵防禦極
難且寇氛日迫三輔震驚宜撤寧遠併守關門挑
選銳士西行遏寇即京師存驚關門之援旦夕可
至上下其議給事中吳麟徵言撤之便一時廷論
羣嘩諸閣臣尤相左共言三桂之調不調視寧遠


之棄不棄無故棄地三百里臣等不敢任其咎事
遂寢迨寇患急朝廷悔之屢下旨撤督臣永吉以
三月初旬出關徒寧遠五十萬衆日行數十里十
六日入關二十日抵豐潤京師陷矣三桂聞變憤
甚頓兵山海走

大清乞師許之四月初賊命三桂父驥作書招桂賈
銀四萬兩遣唐通槁之別以賊兵二萬守邊三桂
佯受其金而出不意盡行砍殺賊將負重傷逃歸




三桂致書絕父云兒以父廢熟聞義訓得待罪戎
行日夜勵志冀得一當以酬聖眷屬邊警方急寧
遠巨鎮為國門云淪陷幾盡兒方力圖恢復以為
李賊猖獗不久即當撲滅恐往復道路而失事機
故爾暫稽時日不意我國無人望風而靡吾父督
理御營勢非小弱巍三萬雉何至一二日內便已
失墜使兒捲甲赴闕事已後期可悲可恨側聞聖
主晏駕臣民僂辱不勝眦裂猶意吾父素負忠義


大勢雖去猶當奮槌一擊誓不俱生不則刎頸闕
下以殉國難使兒縞素號慟仗甲復仇不濟則以
死繼之豈非忠孝媿美乎何乃隱忍偷生訓以非
義既無孝寬禦寇之才復媿平原罵賊之勇父既
不能為忠臣兒亦安能為孝子乎兒與父訣請自
今日父不早圖賊雖置父鼎俎旁以誘三桂不顧
也自成怒即于十三日率兵往戰盡戮吳驥家口
三十餘人三桂痛哭誓師令其兵皆薙髮刻期勦



賊軍聲大振賊戰敗於一片石二十六日狼狽還
京誅陳演及成國定國諸勳咸二十八日悉銳西
行輜重無算或曰太子二王挾之俱出二十九日
焚宮殿後隊亦盡去又三年自成病死羅公山其
侄一隻虎以帝禮葬之即率眾降于何騰蛟先是
陝西叅政都任憤李賊所至掘陵塚甫蒞延安即
拘李氏宗而詰自成父母骸骨何在初喋不吐則
大呼吾將盡掘李姓墓始有報者發視則膚色如


生骨且有肉乃及剖而薰瀆之快哉





國立中央圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.







國家圖書館 NATIONAL CENTRAL LIBRARY, TAIWAN, R.O.C.



3395617 v2



國家圖書館, NATIONAL CENTRAL LIBRARY, TAIWAN, R.O.C.




明季遺聞 卷二

南都


江左鄒 漪流綺輯



崇正十七年三月賊李自成逼京師南京兵部尚
書史可法督兵勤王四月十二日聞京師陷先帝
殉社稷南京府部科道等官會議推戴討賊時惠
王桂王道遠難至潞王福王周世孫各避賊舟次
淮安潞王人望所屬倫序稍踈鳳陽總督馬士英



國家圖書館, NATIONAL CENTRAL LIBRARY, TAIWAN, R.O.C.



君禮呵之御史祁彪佳奏綱紀法度為國之本李
沾等言朝班宜肅彪佳又言宜早頒大號敬天法
祖諸事允之各官退議宜先監國後登極孔昭請
即正位彪佳言監國名極正益彰賢德且示謙讓
使海內知無因以得位之心俟發喪擇吉登大寶
布告天下為當禮部魏國皆然之乃定以初四日
監國十五日即位改元弘光召可法弼圖士英入
閣辦事又用姜曰廣王鐸俱為大學士改慎言吏

移書可法及署禮部兵部侍郎呂大器等請奉福
王為帝可法大器持不可二十七日右都御史張
慎言戶部尚書高弼圖詹事府詹事姜曰廣吏科
給事中李沾河南道御史郭維經誠意伯劉孔昭
司禮太監韓贊周等復集朝內會議獨大器後至
議不決孔昭沾贊周力持之遂以福王告廟五月
初一日王入京以內守蒲府為行宮各官朝見靈
壁侯湯國祚許奏戶部靳餉語過激大器以非對




部尚書士英掌兵部知圖掌戶部事可法請督師
江北士英專國陞大器吏部左侍郎沾太常寺少
卿維經應天府丞進贊周司禮監秉筆餘各加恩
有差起徐石麟都察院左都御史張國維兵部尚
書協理戎政周堪慶戶部尚書顧錫疇禮部尚書
黃道周何楷張有譽王心一何應瑞高倬解學龍
賀世壽為各部侍郎劉士禎侯峒曾鄭瑄許譽卿
為各寺卿而一時人望建言科道章正宸熊開元

姜埰莊鰲獻袁愷馬兆羲楊時化詹爾選李模張
瑄鄭又元喬可聘李曰輔李長春等原官起用徐


曹勳吳偉業俱以少詹兼侍讀學士名賢濟

布列朝端于是設立屏藩陞左懋第僉都御史巡
撫應安田仰宸都御史巡撫淮揚調總兵官鄭鴻
達黃蜚鎮守鎮江鄭彩分管水師吳志葵駐防吳
淞黃斌卿駐防上江勅御史祁彪佳等分行安撫
江浙設淮揚徐泗鳳壽滁和四鎮以總兵官劉澤



清轄淮海駐淮北海邳沛貢十一州縣隸之經理
山東一帶總兵官高傑轄徐泗駐泗水徐泗宿毫
豐碭十四州縣隸之經理開歸一帶總兵官劉良
佐轄鳳壽駐臨淮壽穎等九州縣隸之經理陳杞
一帶靖南伯黃得功轄滁和駐廬州廬巢無為十
一州縣隸之經理光固一帶每鎮額兵三萬人本
色米二十萬折色銀四十萬悉聽各屬自行徵取
晉得功侯爵封傑興平伯澤清東平伯良佐廣昌

伯得功素忠勇建功河北與寧南伯左良玉先得
封良玉恢復湖廣并晉侯爵傑降賊也有驍勇名
稱翻山鷄舊與閩賊同夥閩掠得邢氏以其貌美
嬖之屬傑護內營傑與氏通挈之來降陝督洪承
疇撫馭有恩能得其用及孫傳庭繼任令傑與白
廣恩為前鋒二將各不相下遂潰潼關不守傑由
山西河北率兵南下大肆劫掠揚州揚人罷市
登陴死守傑攻之多殺掠淮撫黃家瑞守道馬鳴




Centimetres
© The Tiffen Company, 2007

TIFFEN Color Control Patches

Blue Cyan Green Yellow Red Magenta White 3/Color Black


騷集衆議事進士鄭元勳與傑善為言當事請放
高兵入城衆譁甚指元勳為高黨謂不殺元勳城
不可守遂段斬之城樓傑恨攻益力可法曲解之
久之始移駐瓜州去良佐開鎮臨淮士民不服互
訐得功薄廬又提兵與傑爭淮揚戰不勝以太僕
少卿萬元吉監江北軍解之元吉貽得功書期其
戮力王室得功自明無他欲聯絡各鎮鼓勇殺賊
元吉以得功書馳示傑等始罷兵隸傑可法標下

為前鋒總兵官吏部尚書張慎言薦用原任大學
士吳姓吏部尚書鄭三俊詔赦姓罪陛見三俊候
另議二中三日早朝劉孔昭約諸勳臣呼大小九
卿科道於廷大罵慎言欲逐之去謂雪奸除兇防
江防河舉朝臣子全副精神宜注于此乃今日講
推官明日講陞官不及武臣結黨行私所薦吳姓
有恃成憲又言慎言原有二心告廟定策阻難奸
辨不可不誅慎言立班不辨御史王孫蕃訐孔昭




先帝裁文操江歸武椿江亦未見作何事業且吏部職司用人除推官陞官外別無職掌喧爭殿上高弘圖言冢臣自有本末何遽殿爭明日孔昭補疏糾參慎言具疏求去李沾又言孔昭擁戴有功文臣啓事屢登武臣封爵未定所以有殿上之爭兩解之於是高弘圖姜曰廣相繼乞休言文武官各有職掌即文臣中各部不得奪吏部之權今用人乃慎言事孔昭一手握定非其所私即謂之姦

臣等皆贅員矣慎言薦姓勳臣知為不可臣不能知票擬寔出臣手又三俊清剛際五朝人望臣終以為不可不用是臣罪不減慎言竊念朝廷之尊尊于李勉天子之貴貴以叔孫臣忝輔弼坐視宸陛几若訟庭愧死無地請賜罷斥各奉諭留六月禮部鑄國璽以金代之史可法馬士英各奏吳三桂殺賊功封三桂薊國公世襲遺海運中書沈廷揚運米十萬石銀五萬兩濟其軍召原任都督陳



孫澄范萬郭經邦等七人陞見青州府衛藩率諸
生去殺偽官請徙內地四川巡按御史劉之渤奏
報合江仁懷擒殺賊楊騰鳳張見陽等擢熒僉都
御史巡撫山東丘磊充山東總兵官加謝陞少師
兼太子太師王田兵部尚書世淮工部侍郎時訛
傳德王起義以謝陞為謝陞也改潛夫江西道御
史巡按河南啓睿原官為河南安撫賜過知洪
起總兵官勅之渤下部紀錄振飛尋為馬士英論

罷愛初任祥符令三守危城才識胆力無不起絕
其在淮極著勞績與振飛鼓舞官民殺偽使碎偽
牌賊騎逼河上躑躅不敢前民間義兵集至一二
十萬聲勢之壯有若長城人共倚之士英奏薦欽
案院大鉞以知兵賜冠帶陞見舉朝大駭高弼圖
請下九卿會議士英曰會議則大鉞必不得用弼
圖曰臣非阻大鉞舊制京堂必會議乃于大鉞更
光明士英曰臣非受其賄何所不光明弼圖曰何




必言受賄一付廷議國人皆曰賢然後用之耳和
圖出即乞休士英復為大鉞奏辨言魏忠賢之逆
非閹賊可比且攻和圖曰廣諸人獲持局面謂于
所愛而登之天者即曰先皇帝原無成心也于所
忌而錮之淵者即曰先皇帝定案不可翻也欺罔
莫甚日廣奏言臣前見文武紛競既漸無術調和
近見欽案掀翻又愧無能豫寢遂使先帝十七年
之定力頓付逝波陛下教日前之明詔竟同覆雨

梓宮未冷增龍馭之淒涼制墨未乾駭四方之觀
聽惜哉維新遂有此舉臣所惜者朝廷之典章所畏
者千秋之清議而已郭維經奏言案成先帝之手
手今實錄將脩若將此案抹殺不書則赫赫英靈
恐有餘恫非陛下所以待先帝若書之而與今日
起用大鉞對照則顯顯令旨未免少愆并非輔臣
所以愛陛下也惟願陛下愛祖宗之法因愛先帝
并愛先帝之絲綸呂大器奏言先帝血食未寒爰




書凜若日星而士英悍然不顧請用大鉞不惟視
吏部如芻狗抑且視陛下為弁髦給事中羅萬象
奏言輔臣薦用大鉞或以愧世之無知兵者然而
大鉞實未知兵恐燕子箋春燈謎未見枕上之陰
符而袖中之黃石也伏望許其陛見以成輔臣吐
握之意禁其復用以杜邪人覬覦之端御史詹兆
恒疏言欽案諸人久圖翻局幸先帝神明內斷確
不可移陛下蹕御龍江痛心先帝異變與諸臣抱

頭號哭百姓聞之莫不洒血捶胸愿思一報近聞
燕齊之間士紳皆白衣冠顧先帝而呼天驅殺偽
官各守險隘此誠先帝德澤在人國憤非常有以
激發其忠義耳今梓宮夜雨一杯未乾太子諸王
六尺安在國仇未復而忽召見大鉞還以冠帶豈
不上傷在天之靈下短忠義之氣懷遠侯常延齡
太僕少卿萬元吉御史陳良弼王孫蕃左光先兵
部郎中尹明興等皆連疏糾不聽大鉞召對稱旨




復具陳聯絡控扼進取接應勤賊四着又陳長江
兩合三要十四隙竟用為江防兵部侍郎吏部尚
書張慎言工部尚書程註乞休去贈慎言子舉人
履旋為御史履旋以闖賊拷銀義不受辱貽書慎
言謂與其虧體以辱親不如殺身以明志投崖而
死者也陞何應瑞工部尚書徐石麟吏部尚書呂
劉宗周為都察院左都御史宗周屢疏論時事不
署銜稱草莽孤臣首言大鉞進退闕係江左興亡

又言討賊之法一曰據形勝江左非偏安之業請
進而圖江北令淮鳳等處各立重鎮尤當重在鳳
陽而駐以陛下親征之師東扼徐淮北控豫州西
顧荆襄而南去金陵亦不遠以此漸恢漸進秦晉
燕齊當必響應兼開一面之網聽其殺賊自效賊
勢益孤賊黨自盡矣一曰重藩屏地方之見賊而
避也總由督撫非才即如淮揚數百里之間有兩
節鉞而不能禦亂卒之南下至淮北一塊土拱手




當誅循良卓異當被格旌異則有安撫之役在而
臣更有不忍言者當此國破君亡之際普天臣子
皆當致死幸而不死反膺陞級能無益增天譴除
濫典不宜概行外此后一切大小銓除仍請暫稱
行在少存臣子負罪引惡之誠又疏言賊兵入秦
踰晉直逼京師大江以南固晏然無恙也而二三
督撫曾不聞遣一人一騎北進以壯聲援賊遂得
長驅犯闕坐視君父危亡而不之救則封疆諸臣

之坐誅者一既而大行之凶聞確矣敷天痛憤奮
戈而起決一戰以贖前愆又當不俟朝食而方且
仰聲息于南中爭言固圍之策卸兵權于閩外首
圖定策之功督撫諸臣仍復安坐地方不移一步
則封諸臣之坐誅者二然猶或曰事無稟承迨迨
新疆朝既立自應立遣北伐之師不然而亟馳一
介使費蠟九間道北進或檄燕中父老或起塞上
彝王共激仇恥哭九廟之靈奉安梓宮兼訪諸皇



子的耗苟效包胥之義雖逆賊未始無良心而諸臣計不出此也又不然而亟起圍師鄭芝龍以海師直搗燕都令九邊督鎮卷甲啣枚出其不意事或可幾而諸臣又不出此也紛紛制作畫屬體面天假之靈僅令吳鎮諸臣一奏燕京之捷將置我南中面目于何地則舉朝謀國不忠之坐誅者三而更有難解者先帝升遐頒行喪詔何等大典而遲滯日久距今月餘未至臣鄉在浙如此遠省可

知時移事換舛謬錯出即成服祇成名色是先帝終無服于天下也則今日典禮諸臣之坐誅者四至罪廢諸臣量從昭雪自應援先帝遺詔而及之乃一概竟用新恩即先帝誅璫鐵案前後詔書蒙混勢必彪虎之類盡從平反而後已君父一也三年無改之謂何嗟乎已矣先帝十七年之憂勤念念可以對皇天而泣后土一旦身殉社稷罹古今未有之慘而食報于臣工乃如此之薄仰惟陛下




子的耗苟效包胥之義雖逆賊未始無良心而諸臣計不出此也又不然而亟起圍師鄭芝龍以海師直搗燕都令九邊督鎮卷甲啣枚出其不意事或可幾而諸臣又不出此也紛紛制作畫屬體面天假之靈僅令吳鎮諸臣一奏燕京之捷將置我南中面目于何地則舉朝謀國不忠之坐誅者三而更有難解者先帝升遐頒行喪詔何等大典而遲滯日久距今月餘未至臣鄉在浙如此遠省可

知時移事換舛謬錯出即成服祇成名色是先帝終無服于天下也則今日典禮諸臣之坐誅者四至罪廢諸臣量從昭雪自應援先帝遺詔而及之乃一概竟用新恩即先帝誅璫鐵案前後詔書蒙混勢必彪虎之類盡從平反而後已君父一也三年無改之謂何嗟乎已矣先帝十七年之憂勤念念可以對皇天而泣后土一旦身殉社稷罹古今未有之慘而食報于臣工乃如此之薄仰惟陛下




之績按其罪亦在戴罪之利科倘謂勸進有章足當
夾輔抑以最勉敵愾無嫌溢稱然而名實之辨何
容輕假願陛下勅諭諸大臣立志以倡率中外力
圖贖罪勿但炫功必大慰先帝殉國之靈庶堪膺
陛下延世之賞一棧助爵俱應辭免以明臣誼至
絲綸有體勿因大僚而過煩拜下宜嚴勿因泰交
而稍越繁縷可惜勿因近侍而稍寬太僕少卿萬
元吉疏言主術無過寬嚴道在兼濟官常無過任

議義貴相資先皇帝初蒞海宇懲送瑞用事斷削
元氣委任臣工力行寬大諸臣狃之爭意見之玄
黃畧綢繆之柔土入郊圻束手無策先帝震怒
一時宵旰遂乘間抵隙中以用嚴之說凡告密廷
杖加派抽練新法脩行使在朝者不暇救過在野
者無復聊生然後號稱振作乃中外不寧國家多
故十餘年小人用嚴之效彰彰如是先帝誨之于
于是更崇寬大悉反前規天下以為太平可致諸




臣復思競賄賂恣欺蒙每趨愈下再櫻聖怒誅殺
方興宗社繼沒蓋諸臣之孽每乘于先帝之寬而
先帝之嚴亦每激于諸臣之玩則以寬嚴之用偶
偏也昨歲孫傳庭擁兵閩中識者俱以為不宜輕
出出則必敗然已有逗撓議之者矣賊既渡河臣
即謂急撤閩寧吳三桂俾隨路迎擊可以勝賊先
帝召對亦曾及此然已有廢地議之者矣及賊勢
薰灼廷臣勸南遷勸出儲監國南都語不擇音亦

權宜應爾然已有邪妄議之者矣由事後而觀咸
追恨違者之悞國設事幸不敗必其服議者之守
經天下事無全害亦無全利大率類是當局者心
怵無全利之害誰敢違衆獨行旁觀者偏見無全
害之利必欲強人從我私意徒滋寔着未講國事
因之大壞莫救則以任議之途大碍也又疏言賊
今被創入秦桃精選銳垂涎東南轉盼秋深出商
漢則任抵襄承出豫宋則直窺江北兩處兵民積




怒深怨于斯時民必爭迎賊以報兵兵更退疑民
而進畏賊恐將士之在上游者却而趨下在北岸
者急而渡南金陵重地武備單弱何以當此臣竊
窺人情類皆積薪厝火安寢其上居功者思為史
冊之矯誣見才者不顧公論之注射舌戰徒紛寔
備不講一旦有急不識置陛下于何地得母令三
桂竊笑江左諸人功非功而才非才乎吏科馬嘉
植疏陳立國本事一改葬梓宮一迎養國母一訪

求東宮二王一祭告燕山陵寢未言今日在君父
力自貶損尊養原非樂受在臣子痛加悔艾富貴
豈所相期茅茨雖陋可勿剪也有以處優晏衍進者
者勿聽經武以外可概節也有以處優晏衍進者
勿聽刑部侍郎賀世壽疏言刑賞宜慎如吳三桂
奮勇血戰李郭同功拜爵方無愧色若夫口頭報
國豈其遂是干城河上擁兵盍不以之敵愾恩數
已盈勲名不立冒濫莫甚疏上俱報聞而已釋高



墻罪宗七十五案凡三百四十一名為庶人遣太
監王肇基督催閩浙金花銀兩肇基原名坤即崇
正朝肆惡淮揚者大學士高弼圖等諫止之上先
帝尊號曰思宗烈皇帝周皇后曰孝節皇后忻城
伯趙之龍言思非美字尋易為毅宗烈皇帝尊建
文君為惠宗讓皇帝景帝為代宗景皇帝復懿文
太子為興宗孝康皇帝尊皇考福恭王為恭皇帝
尋改為孝皇帝立崇廟允禮部尚書顧錫疇議削


溫體仁文忠謚尋復之子大學士文震孟謚文肅
劉一環謚文端賀逢聖謚文忠禮部侍郎羅喻義
謚文介詹事姚希孟謚文毅兵部尚書呂維祺謚
忠節山西巡撫蔡懋德謚忠襄隨州知州王燾謚
忠愍懋德謚尋奪之湖廣巡按御史黃澍同承天
守備太監何志孔入朝求呂對既入澍面糾馬士
英奸貪不法淚與語下志孔復前佐澍言其無上
諸事士英稱疾不出直而以金幣餽福邸舊閩田



成張執中等兩閣向和光曰主上非馬公不得立
茲逐馬公天下皆議主上背恩矣且馬公在閣諸
事不煩主上可以優閒自在馬公去誰復有念主
上者和光嘿然即賜諭留澍復連上十疏稱自古
未有奸臣在朝而將帥能成功于外者必陛下內
秉精明外採輿論國人皆曰可殺則殺之母因一
時之才智博辨誤信小人使黨羽既盛禍患驟至
又云正人君子乞陛下師事教人以樹儀表使輩


輟之下貪污結舌邪佞閉氣無所容其樹黨庇奸
之私而後討國門以外之賊無難又云自魏璠窺
竊神器以來寔釀今禍附逆之人與薦逆之人皆
有賊心乞陛下懸諸日月以除魍魎和光屢諭趨
澍赴楚乃去先是六月初二日

大清傳檄至濟寧一固山額真石為傳奉事奉攝政
王令旨各調兵馬前往山東等處所過地方官民
出郭迎接違者以抗師治罪一平西王吳為安撫



推官王行儉俱死瑞王蜀王合門遇害總兵趙光
遠降賊士英猶請降救獎之考選游有倫朱統銓
趙進美沈宸荃沈應旦吳春枝吳鱗吳迺林冲霄
劉天斗左光明蔣鳴玉馮來質李曰池胡時亨為
科道部屬官起補張采禮部儀制司主事熊汝霖
戶科給事中章正宸吏科給事中正宸疏言兩月
以來聞大吏錫擊矣不聞獻俘武臣私鬪矣不聞
公戰老成引避矣不聞敵愾諸生捲堂矣不聞請

纓如此而曰是興朝氣象臣雖愚知其未也臣以
進取為第一義進取不銳則守禦必不堅比者河
北山左忠氣響應各結營寨多設偽官為朝廷効
死力不及今電掣星馳倡義申討是劇天下之氣
而坐失事機也宜亟檄江北四鎮分渡河淮聯絡
諸路齊心協力互為聲援使兩京血脉通而後塞
井陘絕孟津據武關以攻隴右恐賊不難旦夕殄
也陛下又何不縞素親率六師于淮上但陛下親




TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black


征豈必冒矢石履行陣哉聲靈所震人切同仇虎
豹雖跡勇憤百倍也令都門部院寺司各署不稱
行在而工作儀文陛下赫然欲為中興令主宜嚴
勅諸大臣速簡爾輩徒某舊額某新增水幾何陸
幾何速陪爾躬揆幾何本幾何折主幾貴客幾費
選爾將帥某堪豎某堪分閫爾形勢某地建
鎮某地設堡某處埋伏某處出奇修爾戈矛繕爾
城塹進寸則寸進尺則尺扼險處要大勢已得天

下大矣不患無人臣未見張韓劉岳之杰不應運
而出也中旨傳陞吏部侍郎張有譽為戶部尚書
有譽清望素著士英借以開傳陞倖門也正宸封
還刀爭不聽魏國公徐和基東平伯劉澤清廣昌
伯劉良佐薦起原任吏部侍郎張揆御史張孫振
劉光斗工部主事鄒之麟正宸又疏爭不聽封太
后弟鄒存義為大興伯福府千戶常應俊為襄衛
伯補青浦知縣陳燠為中書舍人予王鐸弟鏞子




矣陛下誰與共濟天下哉一為計臣之特用也計
臣清端敏練百僚所服但古制爵人于朝與衆共
之墨勅斜封履轍可鑑萬一異日有奸邪乘間左
右光容銓司不及議宰輔不及知而竟以內降出
之臣等不爭則倖門日開臣等爭之則已有前例
立國之始臣願陛下慎持之也疏入俱不聽大學
士姜曰廣疏言祖宗會推之典立法萬世無弊斜
封墨敕履轍具在臣觀先帝之善政雖多而以堅

持逆柔為盛美先帝之善政亦間出而以頻出中
旨為亂階用閣臣內傳矣用部臣勅臣內傳矣選
大將言官亦內傳矣他無足數論其尤者其所得
閣臣則逢君殃民奸險刻毒之周延儒溫體仁楊
嗣昌偷生從賊之魏藻德等也其所得部臣則陰
邪貪猾之陳新甲等也其所得勅臣則力阻南遷
盡撤守禦雜狂之李國楨也其所得大將則絀袴
支離之王樸倪寵輩也其所得言官則貪婪無賴




之史莖陳啓新也凡此皆力排衆議簡自中旨者
也乃其後效亦可觀矣且陛下亦知內侍之故乎
總由鄙夫熱心任進一見擴于公論遂乞哀于內
廷線索關通中自有竅門戶摧折巧為之詞內廷
但見其可憐之狀聽其一面之詞遂不能無聳動
間以其事密聞于上又得上之意旨轉而授之于
是平臺召對片語投機立設取官有若登場之戲
臣昔痛心此弊亦於講藝敷陳但以及暢語至
令猶存隱恨先帝既悞陛下豈堪再悞哉天威在
上密勿深嚴臣安得事：而爭之但願陛下深宮
有暇溫習經書間取大學衍義資治通鑑視之如
周宣漢光之何以竟恢速烈晉元宋高之何以終
但偏安武侯之出師征蠻何倦：以親君子必遠
小人為說李綱之受命禦金亦何以切：信君子
勿間小人為言反覆思維必能發明聖性點破邪
謀陛下與其用臣之身不若行臣之言不行其言




但用其用是猶獸蓄之以供人刀俎也御史祁
彪佳疏論時政謂洪武初官民有犯或收繫錦衣
衛高皇帝因見非去凌虐二十年遂焚其刑具移
送刑部審理是祖制原無詔獄也後乃以鍛鍊為
功以羅織為事難曰朝廷之爪牙寔為權奸之鷹
狗口詞從迫勒而來罪案聽指授而定即舉朝盡
知其枉而法司誰雪其冤慘酷等于是周平反從
無徐杜此詔獄之弊也洪武十五年改變儀司為

錦衣衛為常直駕侍衛等事未嘗有緝事也迨後
東廠設立始有告密之端用銀而打事件得賄而
驚刑章飛誣多及善良赤棍立成巨萬招承皆出
於吊拷怨憤充塞於京畿欲絕苞苴而苞苴抗之
愈盛欲究奸宄而奸宄未能稍清此緝事之弊也
若夫刑不加於大夫原祖宗忠厚立國之本及於
逆瑾用事始有去衣受杖者刑章不歸司敗撲責
多及直臣本無可殺之罪乃致必殺之刑况乎朝




廷侯受拒諫之名天下反歸忠義之譽蓋當血滿
玉階肉飛金陵班行削色氣短神搖卽卹錄隨頑
已魂驚骨削矣是豈明盛之沐風大失君臣之分
誼此廷杖之弊也伏乞陛下嚴行禁革馬士英阮
大鍼校意建安玉府鎮國中尉侯考吏部朱統鐳
疏誣姜曰廣穢跡顯有逆謀詞連史可法張慎言
呂大器等禮科袁彭年懷祖制爭之云中尉有奏
請先令長史司具啓親王恭詳可否然後給批貴

奏若候考吏部則與外吏等應從通政司封進令
何徑何竇直達御前微刺顯攻捕風捉影陛下宜
加禁戢臣禮垣也事涉宗藩皆得執奏吏科熊汝
霖言統鐳含血噴人不顧掖舌如此不敵朝廷設
立言官何用通政使劉士正亦言曰廣勁骨慙性
守正不阿居鄉立朝皆有公論統鐳何人揚波噴
血掩耳盜鈴飛章逆奏不由職司此真奸險之尤
豈可容于聖世皆不聽先是李沾攻呂大器懷二




心劉澤清亦請誅大器指其誣殺總兵柴時華起
用王重掌選及比雷繼祚大器許奏馬士英嵩官
膏爵敗法亂紀諸罪且言吳牲鄭三俊革豈無一
事之失而清直剛介與望攸歸馬士英阮大鍼等
亦有一技之能而貪鄙險邪羣情共恨大器予告
去尋削職刑部提問曰廣票擬降調封疆失事太
監孫呈堦內批于原官又票擬御史祁彪佳論詔
獄廷杖緝事三大鞏許崇革發改票同官王鐸言

吾輩志在報國若苟且因循害民誤國腕可斷此
旨不可擬也口廣揭稱臣所守者朝廷之法度一
官之職掌臣死不敢奉詔不聽鐸又疏言國家新
造人心易渙當以安靜為主廠衛應行禁止不聽
和圖票擬正宸等爭中旨傳陞有譽事發改票再
擬再發改又揭爭繞鑰糾曰廣事應究治亦再三
發改票及陳設廠衛爭用大鍼請召可法入直數
事和光召入厲聲責和圖把持和圖言臣死不敢




奉詔不聽復具疏辨尋于去例轉科道陸朗為
僉事黃耳鼎為副使內批留用徐石麒言朗耳鼎
交通內臣倖留非法朗耳鼎疏攻姜曰廣徐石麒
劉宗周結黨欺君把持朝政無人臣禮曰廣石麒
宗周各于去御吏游有倫奏今日國事淆亂不
知禮義廉耻為何物明知君子進退不苟故以含
沙之口激之使去甚至常人所不忍道者實於君
父之前科道微有糾劾則指為比黨相戒結舌真
所謂前育譏而不見後育賊而不知也戶科吳迺
疏言曰廣宗周歷事五朝貞心亮節久而彌劬應
亟賜留不聽吏科熊汝霖奏朝端之上元黃文戰
即一二人之用舍而始以劾臣繼以方鎮國圍之
境之術全然不講惟舌鋒筆鏗吳務以匿帖而逐
舊臣矣俄又以疎藩而恭宰輔矣繼又喧傳復廠
衛而人心皇皇矣輔臣曰廣忠誠正直海內共欽
乃么麼小臣為誰驅除聽誰主使且聞上章不由




通政結納當在何途內外交通神叢互借飛章告
密墨枝斜封端自此始事不嚴行詰究用杜將來
必至厥衛之害橫者借以樹威黠者因以佯利人
人可為叛逆事：可作營求縉紳慘禍所不必言
小民難犬亦無寧日先帝十七年憂勤曾無失德
而一旦受此奇慘止育厥衛一節未免府怨臣民
今日締造之初如有嬰孩調護為難豈可便行摧
折陛下試思先朝之何以失即知今日之何以得

始先帝篤念宗藩而聞寇先逃誰死社稷保舉操
授盡是殃民則今何以使躍冶不萌而維城有賴
先帝隆重武臣而死綏敵愾十無一二叛降跋扈
肩背相踵則今何以使賞罰必當而惠威易行先
帝委任勳臣而官舍選練一任飽颺京營銳卒徒
為寇藉則今何以使父書有用容氣是屏先帝簡
任內臣而小忠小信原無足用開門延敵且喋傳
聞則今何以使柄無旁操而恩有餘地先帝不次



擢用文臣而邊才督撫誰為捍禦起遷宰執羅拜
賊廷則令何以使用者必賢而賢者必用疏入內
批重處陞祁彪佳為僉都御史巡撫蘇松戶科倪
嘉慶追論兵部尚書張鳳翼楊嗣昌陳新甲調度
乖方又論戶部尚書李待問加餉殃民致貽寇患
命削待問官以為聚斂者戒又用御史鄭友元言
削故大學士周延儒薛國觀溫體仁總督熊文燦
官銜廢典國觀尋以兵科戴英訟寬下部議復予


湖廣巡按劉熙祚諡忠毅宣大總督盧象昇諡忠
烈復御史毛羽健原官贈吏部侍郎葉盛為吏部
尚書史稱盛博學宏才文武並濟憲宗朝名臣也
戶科錢增疏請修水利言蘇松常鎮杭嘉湖七郡
之水以太湖為腹以大海為尾閘以三江入海為
血脉蓋自吳淞淹塞東江微細獨存婁江一派而
婁江之委七十里白劉家河乃婁江入海之道東
南諸水全恃此以歸壙不至橫溢泛濫者則帶水



之東京盛名豈無逃死之張儉元祐錮籍亦有巧
免之元章三士作朋官業分席七賢寄 山王可


豈因鄴宮一姓之惡遂毀銅台全部之音惟是
溫公一信蔡信而紹述之禍旋起唐室一進違吉
而興復之業不終孔子曰君子而不仁者有矣夫
未有小人而仁者也歷觀往事斯言誠千古定案
也今日何獨疑之八月命錦衣都督馮可宗遣役
緝事禮科袁彭年疏言高皇帝時不聞有殿相傳

文皇帝十八年始立東殿命內官主之此不見正
史惟大學士萬安行之亦不聞特以緝事著嗣後
一盛於成化然西殿汪直踰年輒罷東殿尚銘有
罪輒斥當時不得稱純治矣再盛於正德丘聚谷
大用等相繼用事皆倚逆瑾煽虐釀十六年之禍
天下騷然三盛於天啓逆魏之禍幾危社稷近事
之明鑑也自此而外列聖無聞夫即殿衛之興廢
而世運之治亂因之頃先帝朝亦嘗任殿衛訪緝




矣乃當世決無不營而得之官中外自有不脛而走之賄故逃網之方即從密網之地而布作奸之事又資發奸之人以行始猶帕儀交際為人情所有之常後乃駐賄萬千成極重莫返之勢豈非以奧援之逢愈秘而專傳送之闕愈曲而費乎究竟刁風所煽官長不能行法于胥吏徒隸可以鉅脅其尊上不可不革疏入謫浙江按察司照磨時太妃來自河南和光諭戶工部限三日內搜括萬金

以給賞賜太監諸朝進請給工料錢糧約數十萬工部尚書何應瑞侍郎高倬苦黜金無術懇祈崇儉工科李清亦疏請節省不聽又詔選內員選宮女閤巷騷然科道李維樾陳子龍朱國昌各疏諫亦不聽加翼戴恩文可法少保馬士英太子太師高和圖姜曰廣王鐸太子太保徐和基劉孔昭朱國弼栢祚昌太監韓贊周廬丸德各陞賞世廕又加南臨恩可法少博士英少保和圖曰廣鐸太子




大傅特陞李沾都察院左都御史晉國稱保國公
張文光太常少卿以定策功多也換授朱統鑰為
行人以自陳遂曰廣故赦從逆來歸兵科時敏開
屯大瞿山中允衛胤文兼兵科給事中監興平伯
軍以原未從逆南來薊遠總督王永吉經畧山東
河北兵部尚書張縉彥代丁啓睿總督河南勸農
永吉別歷中外曉暢兵機山左感其德義即東平
亦聽其約束而縉彥夙饒經濟初國破即自縊死

復甦賊使牛金星說降縉彥罵不從賊乃命權將
軍張能加刑拷制將軍王爰臣施羈絏降賊內官
王德化加叱辱備極荼毒賊猶未已挾之西行縉
彥潛結義人張一方蔡元吉劫之於遼脫身走龍
泉關及太原賊欲得而甘心縉彥與一方謀冀及
賊淺怨一方許可與元吉夜至曰殺賊易耳非郵
符不能出虎口兩人乃投偽將軍陳永福永福差
往河南兩人喜報縉彥蓄及太原之小店侍賊：




疑越小店而走晉祠事雖未成而倉卒中未嘗須
臾忘仇也縉彥計脫奔豐谷山着黃冠走盤駝其
時賊騎追捕甚急盤駝皆土黥炙人肝而食縉彥
困甚聞馬蹄聲起視則一方元吉也遂脫于難走
共城聞知光立遂南渡為賊尉馮國寧盤獲於芝
麻口中報賊渠李自成差偽錦衣楊英姚濟聖又
月十七日拘縉彥於新鄉縉彥召族姓姻友誓以
大義曰吾所忍死以待者為諸君耳散家財一日

而盡潛結太行諸雄八月六日義旅集矣而偽將
勒馬貫矢出門縉彥疑其有變乃命一方刺一人
奪其馬射斃數人前突之盡殺其黨擒府縣諸偽
長隨軍編素登城歎血乃舉義兵於合河吉崗同
時舉事者有都司蘇見樂秦衍祉等聞風未歸者
有輝縣吉士武部郵修武李之煥都攀桂獲嘉李
青夏時亨原任推官解居易知縣李昇郝英總兵
魯宗孔一日不期而會者萬人其遙為聲援有河




南許定國山東張大翼等為都尉黃來襲斬其多
級有白旗賊精騎數千為賊援命秦衍祉先登陣
亡又有劉皂旗引兵來犯假平西兵設計走之遇
賊營王都尉摧其先鋒賊勢却乃保叙山寨廣布
爪牙以圖大舉南連汝潁北盡行山河朔之勢成
矣檄告中外凡山谷城寨無不知有大司馬義旅
者殺賊後渡河而南上舉義復仇恢復三城聯絡
河朔疏畀以原官方辭不受惟願盡殺賊以報先

帝至蘇城山居金剛臺所經營諸寨如霍山之羊
山桓山等寨蘄水之白雲大旗等寨英六之司空
張山主簿等寨六安之蘇埠三夫四桓等寨汝息
之任家張庄龐家等寨光山之皂旗烏龍雞冠等
寨信陽之旗等寨黃楊天台等寨麻城之獲生
紫雲五腦等寨商城之牛氏上庄等寨四百八十
九處運籌決勝心血為枯瘴癘飢寒濱死者數祖
死母死妻妾俱死奮不顧家拮据無成君子惜之




以浮海來歸順天巡撫楊鷄為兵部侍郎兼倉都
御史總督川湖雲貴廣西罷浙江巡撫黃鳴俊降
浙江巡按任天成以許都餘黨復叛處分未定故
也并議前任巡按左光先罪令在朝浙臣具奏情
形光先在浙風裁清卓以光斗弟故與阮大鍼有
世讐又首劾士英大鍼故借事陷之朝右無敢為
直言者蘇松巡撫祁彪佳獨言許都之變突發于
東陽義烏浦江皆無堅城光先事竣出境聞變過

還撫軍懸闕一切調兵措餉皆其宵旦拮据變起
不一月元光授首兩浙危而復安乃令奉旨推求
夫弄兵揭竿至于破城據邑其罪豈不當死當日
兵威所迫賊已窮蹙而後乞命與陣擒無異非誘
降也設誅鋤不力養虎貽患後來國難方張又不
知作何舉動矣豈可反以激變罪之乎于是大鍼
并切齒彪佳陞解學龍刑部尚書改兵部主事凌
駟為御史巡按山東便宜聯絡河南等處起丁魁



楚巡撫承襄陞王濬巡撫登萊越其傑巡撫河南
各僉都御史其傑鄉科罷闈以士英妹夫故起之
啓齋既觀堂改推杰愛永吉赴任無地皆不行以
保國例晉東平伯劉澤清僕爵又晉誠意伯劉孔
昭侯爵孔昭不受又封福建總兵官鄭芝龍南安
伯賜蟒衣國爾薦用欽案楊維垣為通政使起蔡
奕琛吏部古侍郎內批補張捷吏部左侍郎尋進
尚書補張孫振為御史掌河南道印孫振論初蘇

松巡撫祁彪佳貪奸且定策有異議詞連吳姓鄭
三俊劉宗周等彪佳罷去以易應昌為都察院副
都御史郭維經為僉都御史起葛寅亮太常寺卿
成勇福建道御史文安之詹事府詹事劉同升翰
林院侍講趙士春翰林院編修寅亮安之清望素
著勇以諫言獲罪直聲振天下同升士春忠孝世
傳皆以勳揚嗣昌奪情與黃道周昌言去國者也
陞賀世壽戶部督倉尚書起王志道戶部侍郎中




TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black

烈吏部員外許直諡忠節兵部主事成德諡忠毅
金鉉諡忠節觀政進士孟章明諡節愍立祠賜名
旌忠贈理順妻萬氏妻李氏德母張氏淑人鉉母
章氏妾王氏偉妻耿氏恭人世奇妾朱氏李氏良
謨妾時氏孺人建坊旌表又予勳戚惠安伯張慶
鏊諡忠武襄城伯李國禎諡貞武新樂侯劉文炳
諡忠壯左都督劉文耀諡忠果駙馬都尉鞏永固
諡貞愍太監王承恩王之心諡忠愍李鳳翔諡恭

壯鳳翔以降賊被殺者大同巡撫衛景瓊諡忠毅
宣府巡撫朱之馮諡忠壯總兵官吳襄諡忠壯特
贈遼國公周遇吉諡忠武工部主事王鍾彥經歷
施濟中書舍人宋天顯各予祭塋贈刑部郎中李
逢中太僕寺少卿諸生許琰翰林院五經博士布
衣湯文瓊中書舍人又先後補予開國諸臣諡耶
國公馮國用諡武翼濟國公丁德興諡武襄德慶
侯廖永忠諡武勇定遠侯王弼諡武威長興侯耿




炳文諡忠愍穎國公傅友德諡武靖宋國公馮勝
諡武壯永義侯桑世傑諡忠烈河門王俞廷玉諡
武烈東勝侯汪興祖諡武愍 侯茅成諡武烈
濟陽侯丁普郎諡武節高陽郡侯韓成諡忠壯東
邱郡侯花雲諡忠毅丹陽縣男孫炎諡忠愍當塗
縣子王愷諡壯愍高陽郡侯許瓊諡忠節潛雲伯
胡深諡哀節御史中丞章溢諡莊敏晉府長史桂
彥良諡敬裕詹事唐鐸諡敬安祭酒劉崧諡恭介

東莞伯何真諡恭清平遙訓導葉居昇諡忠愍姑
熟郡公陶安學士詹同俱諡文獻又補予正德朝
死諫諸臣諡御史蔣欽諡忠烈兵部員外陸震諡
忠定工部主事何遵諡忠節刑部主事劉較諡孝
毅大理評事林公黼諡忠恪行人孟陽諡忠介李
紹賢諡忠端俞廷瓚諡忠愍李翰臣諡忠毅詹軾
諡忠潔劉平甫諡忠質給事中周壘諡忠愍指揮
張英諡忠壯又補予天啓朝死璫難諸臣諡副都




御史左光斗給事中周朝瑞御史周宗建袁化中
李應昇俱諡忠毅黃尊素諡忠端工部主事萬燦
諡忠貞副使顧大章諡忠愍蘇松巡撫周起元諡
忠惠又補子建文朝死難諸臣諡文學博士方孝
孺諡文正兵部尚書齊秦太常寺卿黃子澄刑部
侍郎張萬太常寺少卿廬原質給事中葉福俱諡
節愍禮部尚書陳迪御史大夫景清大理少卿胡
閏俱諡忠烈兵部尚書鐵鉞諡忠襄修撰王叔英

諡文忠禮部侍郎黃觀諡文貞戶部侍郎卓敬御
史大夫練子寧俱諡忠貞衡府紀善周是修按察
使王良俱諡貞毅編修王良太常少卿廖昇俱諡
文節刑部尚書暴昭左贊善連楹俱諡剛烈都御
史茅大方御史高翔教授陳思賢燕府伴讀俞逢
辰俱諡忠愍給事中黃鉞諡忠獻御史曾鳳韶奉
軍斷事高巍俱諡忠毅左拾遺戴德彝御史魏冕
俱諡毅直知府姚善知縣顏伯璋俱諡忠惠大理




彭歌祥妾杜氏通情事敗互訐聞於士英即於疏
批重處杜贈珣詩有云為憐貴客芳心醉欲訪仙
郎帆影遲時共博之中旨拔福建副使郭之奇為
詹事府詹事內批補 梁應奇為給事中王
懷鄭瑜為御史召賈降獻賊錦衣都督劉僑至京
仍補原官初左良玉叛復蕪黃僑送馬士英赤金
三千兩女樂十二人 士英笑曰此一物足以釋西
伯遂誑先帝復職至是用之以陳盟謝德溥為禮


部古侍郎兼詹事府詹事余颺吏部文選司主事
晉何騰蛟兵部侍郎兼倉都御史巡撫湖廣追奪
川撫張論平奢首捷功加淮撫田仰兵部尚書世
廕錦永指揮使仰屢疏請餉和光以東南餉額不
滿五百萬江北已給三百六十萬豈能以有限之
財供無已之求命仰與劉澤清通融措辦時澤清
大興土木造宅淮安極其壯麗四時之室俱備儻
擬皇居休卒淮上無意往北仰與其事但知請餉




不知餉之所用仰故馬士英私人也士英請免府
州縣重生應試上戶納銀六兩中戶四兩下戶三
兩得赴院試又詔行納貢例廩生納銀三百兩增
六百兩附七百兩又立開納助工例武英殿中書
納銀九百兩文華中書一千五百兩內閣中書二
千兩待詔三千兩拔貢一千兩推知銜一千兩監
紀職方萬千不等皆以助軍興也時為之語曰中
書隨地有都督滿街走監紀多如羊職方賤如狗


廢起千年塵拔貢一呈首掃盡江南錢填塞馬家
口奉化布衣方翼明抗疏上言政祈克終着送刑
部問罪又有布衣何光顯疏請誅馬士英劉孔昭
詔戮於市籍其家遠近為訟寃云






國立中央圖書館, NATIONAL CENTRAL LIBRARY, TAIWAN, R.O.C.







國立中央圖書館 NATIONAL CENTRAL LIBRARY, TAIWAN, R.O.C




國家圖書館, NATIONAL CENTRAL LIBRARY, TAIWAN, R.O.C







國立中央圖書館, NATIONAL CENTRAL LIBRARY, TAIWAN, R.O.C.



3395618 v3



國家圖書館, NATIONAL CENTRAL LIBRARY, TAIWAN, R.O.C.




明季遺聞 卷三

南都


江左鄒 漪流綺輯



十月朔命鑄和光錢時廟門灾戶科吳迺疏陳昭
事之寔一曰日講宜行請勅定期俾博聞有道之
臣朝夕左右稽詢經史虛秉延納更取祖訓大誥
諸書時：省覽以為著鑑一曰午朝宜舉俾閣部
大臣以及臺垣散秩咸得躬膺清問即于披對之




國家圖書館, NATIONAL CENTRAL LIBRARY, TAIWAN, R.O.C.



餘採疾苦以疏民隱覈功罪以勸疆臣明是非以
黜邪佞疏入不省


大清攝政王達副將唐起龍招撫江南致書史可法
云予向在瀋京即知燕山物望咸推司馬及入關
破賊與都人士相接見識介弟於清班曾托其手
勒平安拳期束緒何時得達比聞道路紛多謂
金陵有自立王者夫君父之仇不共戴天春秋之
義有賊不討則故君不得安葬新君不得即位所

以防亂臣賊子法至嚴也闖賊李自成稱兵犯關
手盡君親中國臣民不聞加遺一矢平西親王吳
三桂介在東陲獨效包胥之哭朝廷感其志義念
累世之夙好棄近日之小嫌嚴整緝緝驅除梟獍
入京之日首崇懷宗帝后諡號卜葬山陵恚如典
禮親郡王將軍以下仍故封號不加改削勛戚文臣
咸在朝列恩典有加耕市不驚秋毫無犯方擬天
氣秋爽遣將西征傳檄江南聯兵河朔陳師鞠旅




仲義討賊興滅繼絕之初心也至於南州諸君子
肯然來儀則爾公爾侯列爵分土有平西王之典
例在惟執事寔圖維之晚近士大夫好高樹名不
顧國家之急每有大事輒相築舍昔宋人議論未
定兵已渡河可為殷鑒先生領袖名流主持至計
必能貫察始終寧思隨俗浮沉取舍從違應早審
定兵行在即可東可西南國安危在此一舉願諸
君子同以討賊為心無貪瞬息之榮致令故國有

無窮之禍為亂臣賊子所笑予尚有厚望焉託有
之惟善人能受盡言故敢布腹心佇聞名教江天
在望延跂為勞書不盡言可法答書云南中自接
好音隨遣使訊吳大將軍未敢遽通左右非委隆
誼於章莽也誠以大夫無私交春秋之義今寇慝
之際捧琬琰之章真不啻從天而降也諷讀再三
慙：致意若以逆成尚稽天討為貴國憂法且感
且愧懼左右不察謂南國臣民偷安江左頓忘君




破走逆成殿下入都為戎先帝后發喪成禮掃清
宮殿撫戢羣黎且免薙髮之令亦不忘本朝此舉
動也振古鑠令凡為大明臣子無不長跪地而頂
禮加額豈但如明諭所云感恩圖報已哉謹于八
月薄具篚筐遣使搗師請命鴻裁連兵西討是以
王師既發復次江淮乃辱明諭引春秋大義來相
詰責善哉推而言之此又為列國君薨世子應立
有賊未討不忍死其君者之說耳若夫天下共主

身殉社稷青宮皇子慘變非常而拘牽不即位之
說坐昧大一統之義中原鼎沸倉猝出師將何以
維繫人心號召忠義紫陽綱目踵事春秋其間特
書莽移漢祚光武中興不廢山陽昭烈踐祚懷愍
亡國晉元嗣基徽欽蒙塵宋高繼統是皆于國仇
未報之日亟正位號綱目未嘗斥為自立卒以正
統與之至于玄宗幸蜀太子即位靈武議者察之
亦未嘗不許以行權幸其光復舊物也本朝傳世




十六正統相承自治冠帶之屬繼絕存亡仁恩遐
被貴國夙膺封號載在盟府殿下豈不聞乎今痛
心本朝之難而驅除亂逆可謂大義復著春秋昔
契丹和宋多輸以金繒回紇助唐原不利土地况
貴國萬念世好兵以義動萬代瞻仰在此一舉若
夫手足膺難并同秦越規此幅員為德不卒是以
義始而以利終貽賊人竊笑貴國豈其然乎先帝
軫念潢池不忍盡戮勒撫並用貽悞至今令上天

縱聰明刻：以復仇為念廟堂之上和衷體國介
冑之士擊楫枕戈忠義民兵願為國死竊以為闕
賊之滅當不越于斯時矣語有云樹德務滋除惡
務盡令賊未伏天誅捲土西秦方圖報復此不獨
本朝不共戴天之仇抑亦貴國除惡未盡之憂伏
惟堅同仇之誼全始終之德合師進討問罪秦中
共集逆成之頭以洩數天之恨則貴國義聞十載
本朝固惟刀是視從此兩國世通盟好傳之不窮




不亦千載一時哉若夫牛耳之盟封本朝使臣久
已載道不日抵燕奉盤盃以從事矣法北望陵廟
無涕可揮身臨大戮罪應萬死所以不即從先帝
者寔為社稷之故也傳曰竭股肱之力加之以忠
貞法處今日鞠躬致命克盡臣節所以報也殿下
伏賜垂鑒可法又上疏言三月以來陵廟蕪蕪山
河鼎沸臣備員督師而河上之防百未料理復仇
之師不及于關陝討賊之約不達于北廷一似君

父之仇置之膜外者夫我即卑宮菲食嘗胆卧薪
聚才智之精神而枕戈待旦合方升之物力而破
釜沉舟尚恐無救於事以臣覩廟堂之作用百執
事之精神殊未盡然憶北變初傳人心震駭臣等
恭迎聖駕臨蒞南都億萬之歡聲動地陛下初見
臣等言及先帝則淚下沾襟次謁孝陵贊及高皇
帝高皇后則淚痕滿袖皇天后土寔式鑒臨曾幾
何時可忘前事先帝以聖明罹慘禍此千古未有



之變也先帝崩於賊恭皇帝亦崩於賊此千古未有之化也先帝待臣以禮馭將以恩一旦大故在北諸臣死節者寥：在南諸臣討賊者寥：此千古以來未有之耻也庶民之家父兄被殺尚思穴胸斷脰得而甘心朝廷顧可漠置合宜速行討賊之詔嚴責臣與四鎮志簡精銳直抵秦關懸上賞以待有功假便宜而責成效絲綸之布痛切淋漓庶海內忠臣義士聞而感奮也國家遭此大變陸

下嗣承大統原與前代不同諸臣但有罪之當誅寔無功之足錄令恩外加恩紛：未已武臣腰玉直等尋常名器濫觴於斯為極以後似宜慎重尚待真正戰功庶行間猛將勁兵有所激厲也至兵行討賊最苦無糧似宜將內庫本折概行催解湊濟軍需其餘不急工役可已繁費一切報罷朝夕宴行左右獻諛一切謝絕即事闕典禮萬不容廢亦宜概從儉約乞陛下念：思祖宗之鴻業刻：



TIFFEN Color Control Patches


© The Tiffen Company, 2007

Blue Cyan Green Yellow Red Magenta White 3/Color Black

憤先帝之深仇振舉朝之精神萃四海之物力以
併於選將練兵一事庶乎人心猶可救天意尚可
回耳疏入不省時災異迭見二十九日東方長庚
星較昔大異光芒閃爍有四角或五角中有刀劍
旂幟馬影似閩闔象且降大降小倏長倏縮又朔
明告災鳳陵祖陵疊火地一日三震有聲如吼自
秋至冬烈日如夏在赤地而知光深居禁中惟
漁幼女飲火酒雜伶官演戲為樂修興寧宮建慈

禧殿大工繫費宴樂賞賜皆不以節國用匱乏搜
括殆盡佃練湖放洋船瓜儀製蓋蘆洲升課甚至
沽酒之家每觔定稅錢一文蓋馬士英濁亂國政
內則田成兩宦外則楊阮諸奸兼有興平東平遙
制內權忻城撫寧侵撓吏事邊警日逼而主不知
小人乘時射利識者已知不堪旦夕矣可法統兵
抵白洋河十一月十二日

大清兵入宿遷可法救之隨拔營去十三日高傑抵



徐州先是河南巡按陳潛夫探得戎

大清於十月二十五日發兵一往山西一往徐州一

往河南豫王將從孟縣過河傑與劉澤清書云

清朝發一王子領兵號二十萬寔七八千齊駐濟寧

近日河南撫鎮接鍾告警一夕數至開封上下北
岸俱是兵衆問渡甚急惟恐彼一越渡則天塹失
恃長江迤北盡為戰場時事到此令人應接不暇
惟有殫心竭力直前無二於萬難之中求其可濟

以報國恩而已澤清以聞澤清又言

清朝總河楊方興屯兵宿遷鑄造鐵條為紫筏用大

學士王鐸疏請視師江北以復國仇不允士英疏

稱

清兵雖屯河北然賊勢尚張不無後慮豈遂投鞭問

渡乎况強弱何常赤壁三萬肥水八千一戰而江


左以定况國家全盛兵力萬倍於前廓清底定願

諸臣刻厲之也傑遺戎



大清肅王書云逆闖犯闕危及君父痛憤於心大仇未復山川俱蒙羞色豈獨臣子義不共天關東大兵能復我神州葬我先帝雪我深怨救我黎民前有朝使謹貴金幣稍抒微忱獨念區：一介未足答高厚萬一茲逆闖跳梁西晉未及投首凡係臣子及一時豪傑忠義之士無不西望泣血欲食其肉而寢其皮晝夜卧薪嘗胆惟以殺闖逆報國仇為汲：貴國原有莫大之恩銘佩不暇豈敢苟萌

異念自干負義之愆傑俟以菲劣奉旨堵河不揣綿力急欲會合勁旅分道入秦殲闖賊之首哭奠先帝則傑之血忠已盡能事已畢便當披髮入山不與世間事一意願祝復我大仇者茲咫尺光耀可勝忻仰一腔積懷無由面質若傑本念干言萬語總欲會師勒闖始終成貴國恤鄰之名且逆闖凶悖貴國所甚惡也本朝抵死欲報大仇亦貴國念其忠義所必許也本朝列聖相承原無失德正




朔承統 天意有在三百年養養士民淪肌浹髓志
君報國未盡泯滅亦祈貴國之垂鑒也

大清報書云肅王致書高大將軍果能棄暗投明擇
主而軍決意躬來過河面會將軍功名不在尋常
中矣若第欲合兵勦闖其事不與予言或差官北
來予令人引奏先是

大清副將唐起龍其父唐虞時致書傑勸其早斷速
行有大者王小者侯不失如帶如礪世三茅土之


語傑皆不聽身先士卒沿河築牆竭力備禦時有
徐州通賊程繼孔斬木編筏引兵渡河偽投傑降
傑誘斬之收其眾加傑太子太傅可法太傅內外
文武爵賞有差

大清兵至夏鎮別由濟寧南下又從雒陽渡河攻海
州圍邳州史可法傑澤清等各告急不應十二月
十八日都督陳洪範南還先是洪範與左懋第等
至德州



安中外等副將劉鉅郭從寬等殺賊六百餘級擒
鄆陵偽知縣王度許州偽巡捕王法唐總兵劉洪
起獲汝寧府偽官祝永苞上蔡偽知縣馮世遇斬
三百七十級又於棗城斬賊二千二百七十六級
擒賊二百三十一名總兵評定國獲陳州偽官惠
在公等以洪起斬獲獨多仍加二級晉丁啓睿太
子太保丁魁楚兵部尚書仍總督兩廣軍務洪範
又請加恩使北帶臣兵科戴英初止之言洪範出

使無功正使身臨異域下役羣聚晉爵天下聞之恐哄
然竊笑也晉練國事兵部尚書白帖清太子太保戶部
尚書贈尚寶司知許士柔詹事兼侍讀學士二柔
正色立朝與溫體仁不合因摘其舊撰高攀龍誥
語降詞朝論不服至是賜卹命李永茂巡撫南贛
張秉貞巡撫浙江各僉都御史加左良玉太子太
傅于世襲指揮使開藩武昌子蔭庾都督僉事掛
平賊將軍印授楚宗朱盛濃池州府推官先是盛




濃疏誣監軍御史黃澍毀制辱宗貪賍激變士英
喜特擢之內批刑部提問澍不至贈故舉人歸子
慕張世偉顧雲鴻翰林院待詔山東巡按御史宋
學朱穴理寺卿學朱戊寅死節卹典為楊嗣昌所
抑至是給之于大學士孔貞運諡文忠薊遠總督
吳阿衡諡忠毅簡討胡守恒諡文節貞運以國變
痛哭不食死守恒阿衡皆死難者又予修撰沈懋
學諡文節諭德焦竑諡文端祭酒陳仁錫諡文莊

禮部侍郎張邦紀諡文懿仁錫初以忤璫削奪尋
得賜環典較掄才橫經造士生平究心錢穀邊屯
河漕律曆諸書著述幾千卷皆千秋金鏡于濟生
官太僕主簿命致祭故兵部尚書于謙封謙為臨
安伯諡莫安宗社有大功為奸邪構禍吏禮部以
卹不酬寬為之請卹復左都御史陳于庭原官贈
少保二十日刑部尚書解學龍上從逆諸臣六等
罪除在北京何瑞徵等二十二人俟三年後定奪




一等應礫宋企郊等十一人二等應斬擬長繫秋
決光時亨等四人三等應絞擬贖陳名夏等七人
四等應戍擬贖王孫蕙等十五人五等應徒擬贖
沈元龍等十人六等應杖擬贖潘同春等八人存
疑另擬翁元益等二十八人保國公米國弼等合
疏糾刑官六失御史張孫振又言刑部賣法侮文
革學龍職以高倬為刑部尚書吏科張希夏吳迨
抄恭忻城伯趙之龍薦用人才疏謂陳爾翼頌逆

有據且薦崔呈秀為本兵不可復用忻城再疏爭
之迨特疏言祖制惟科臣專封駁之權未聞勳爵
而奏駁正之司勳臣黨邪求勝將部科俱可不設
不幾背明主而蔑祖制乎是時張捷秉銓部務皆
阮大鍼一手握定而選郎以貪躋濟之吏道龐雜
已甚迨辦事垣中抄駁侃：不憚權貴若安遠侯
柳祚昌薦授程士達督理京營科恭士達不過積
分監生非屬舉貢正途勳臣乃提督大漢非有標



營之責何得侵樞戎職掌以奪銓部權衡慶遠知
府郭儀鳳疏言掛冠勤王且誣巡撫方震孺貪狀
科叅郡守無勤王之例掛冠非入援之名儀鳳不
侯憲檄非奉明諭擅離職守飾詞妄濟察撫巨清
孰有素儀鳳穢跡者聞必懼題叅先行反噬自應
嚴究以杜刁風光祿著丞張星疏求考選科叅張
星初以縣令躁進降處又掛察典不惟望斷清華
之夢亦已身絕仕進之階乃無端幻想僥倖上賞

欺君孰甚若不一為點破闢門大典不幾為燧灰
之地向躍之門耶保定侯勳衛梁世勳請襲祖爵
科叅國難以來雖王侯戚里或飽常狼華貫重臣
志罹鋒刃而其間脫身圖存埋名濶俗者固亦不
乏該勳何以逆料其家之必殲而忌以子嗣乎萬
一本宗匹馬東歸將奪諸該勳以授乎抑姑仍之
且兩封之乎恐無此法紀也該勳世愛國恩誠悵
復有志何難倡諸勳舊破家從軍自當直搗燕雲



事日禱雖經封駁銓部竟置高閣旋駁旋用使職
掌掃地而甯小蓋廷矣除夕孔光在興寧宮色忽
不怡韓贊周言新宮宜權孔光曰梨園殊少佳者
贊周泣曰臣以陛下令節或思皇考或念先帝乃
作此想耶明年乙酉稱孔光元年寔

大清順治二年也元日：有食之吳迨上言維新五
事一曰信詔旨朝廷之有絲綸所以彰示臣民俾
知遵守適因事變錯出前後懸殊用人之違始慎

而繼以雜誅逆之典初嚴而終以寬禁陳乞矣而
矜功誦寬者章日上重爵賞矣而請廢乞封者望
日奢鎮帥屢責進取而遠巡不前軍需頻督轉輸
而庾發如故欲期畫一宜重王言令後凡奉明旨
務俾上作下應內外永遵毋致游移一曰核人才
人才為治道所從出將為其終光謹其始頃者典
藉無稽錢神有徑人思躍治初仕輒冀清華官多
借題行間每增監紀疆返之謀愈巧卸担之術偏



工起廢而薰藉並進懸缺則暮夜是求以至薦贖
日廣啟事日勤今後求才務寬而用人務嚴寧重
嚴於始進毋追恨於倚賴一曰儲邊才將帥之畧
豈必盡出武達如唐之節度文武兼用而內外互
遷蓋儲之者素耳請飭中外蓬華之彥非韜鈴之
畧勿講辟舉之選非軍旅之才勿登技勇驍射日
日講求共激同仇以振積懦一曰伸國法臨北諸
臣已有定案但恐此輩輩金圖翰既以寬其不死

者昭皇仁之浩蕩尤當以絕其覲用者明臣子之
大防一曰明言責祖宗設立六垣與六部相表裏
是故糾彈之外復有抄恭補闕拾遺務期彈慮倘
振垣僅取充位則白簡止貴空懸則抄發本章一
胥吏事豈先王設官意哉望陛下亟進讜言見諸
施行毋致批答徒勤而寔效罔著所裨非淺疏入
不省都督李際遇降於我


大清高傑冒雪防河疏請重兵駐歸德東西兼顧聯



絡河南總兵許定國以莫中原定國在睢傑遺定
國銀千兩幣百疋初十日傑抵睢州明日定國享
傑夜半伏兵起殺之親兵遇害者過半餘衆潰還
定國奔降


大清加監軍衛胤文兵部侍郎總督傑軍傑妻邢氏
率子元爵請卹胤光命所部將士仍聽邢氏統轄
史可法請以傑部將李本身為提督胤光以興平
有子朕豈以兵馬汎地遷授他人不允黃得功復

來與傑爭揚州胤光諭大臣當先國事而後私憾
得功若向揚州致高營兵將棄汎東顧設渡河
罪將誰任命可法鎮撫之得功回汎加李本身太
子太保左都督提督本鎮赴歸德中權總兵楊承
祖赴夏邑副將劉應常赴廣城苗順甫赴碭山後
勁總兵李翔雲赴雙溝右協總兵胡茂貞左協總
兵郭常赴泗州駐防劉良佐見傑死欲併其衆疏
稱潰兵不宜授本身提督澤清得功又合奏傑無




寸功加恩太重臣等不能相安而寧南侯左良玉
有忠胤將同歷卯之疏九江總督袁繼威亦有興
平有可念之勞之疏贈傑太子太保許其子襲爵
再廢一子錦衣衛百戶從優議予祭葬調湖廣總
兵官方國安駐防江浦授降將狄應奎副總兵官
應奎殺賊權將軍路應樞擊印來歸者也南贛巡
撫李永茂奏報寇擾汀州命福建巡撫張肯堂會
勦是時汀州賊閩王衛婆營盤據簾子洞劫掠橫

行肯堂親征之寧化知縣于華玉不得于鄉紳願
撫賊自効既往幾不免遂許以官與數百人偕來
肯堂給劄命華玉率之勤王至浙東各散去華玉
亦削髮為僧進吏部侍郎蔡奕琛為東閣大學士
通政使楊維垣疏請重定欽案吏部尚書張埏又
奏請表章三案諸臣於是劉廷元呂純如王德完
黃克績王永光楊所修章光岳徐大化范濟世各
予諡廕祭葬徐揚先劉廷宣許鼎臣岳駿聲徐知




從倫序起見光宗母子無間光帝身殉社稷何嫌
何疑而小人無端播弄假手濟源光帝久任體仁
養寇釀禍使得生榮死寵竊諡文忠陛下追削萬
口稱快濟源乃頌其平章之功甚矣若輩之奸也
陞阮大鍼兵部尚書賜蟒服中書舍人林彪疏稱
正月初六日雷聲自北至西占在趙晉之野有兵
日在庚寅主口角妖言翹江蒲人善星術馬士英
在戊日卜其大用士英薦授中書尋躋一品武衛

弊至趙事未幾獲妖僧大悲僧係齊庶宗妾稱定
王下法司會審棄市遣太監李國輔開採雲霧山
給事中吳道疏言雲霧山即名封禁山縱橫數百
里北通徽池南連八閩東抵衢嚴西界信州唐宋
以來每為盜藪其間深谷窮淵虎狼接跡險阻極
目無徑可攀且地接祖陵龍脉為神京右臂歷朝
禁止樵牧封禁所由名也英宗初年遣官採木于
是地方訛棍互相煽惑而狐假之輩因之攘奪小



民招引匪類大肆劫掠兼多內外官屬供億之費
數邑坐困民不聊生近山良民遂為獸散大盜節
茂七等聚眾數萬藉以為窟攻城殺令合四省兵
力討之十四年乃戡定奉旨照舊封禁往禍蓋可
鑿也臣竊以界通四省境地相歧內阻峻嶺外多
絕谷綿延重疊華路崎嶇屬禁既久開鑿維艱不
便一林莽高深重嶂疊峰毒蛇猛獸生育繁滋一
旦開伐奔突狂噬傷人必多不便二遼深幽奧迥

絕垣區水不通舟陸難移運緹使輸垂再出疇令
神輸不便三乘傳驛騷有司困於供億誰籌正賦
且吏胥假公行私何所不至而力田小民棄本逐
末消磨歲月土田有荒蕪之困力役多死亡之憂
不便四興朝舉動天下顛望以下安危令以無利
有害之事而特遣重臣搖動人心傾危四省垂之
史冊貽譏後世不便五遠邇傳聞必且蜂屯蟻聚
競營巢穴居奇召亂約束無力是使盜賊復生而




殺膠再見不便六況臣訊之父老僉云此山地連
陵寢自正統初開伐致傷地脉遂釀土木之難滅
山川靈氣不便七舉此數端有言無利伏惟陛下
採擇國輔亦疏請中撤俱不許馳視如適言報罷
國輔係大司禮韓贊周養子贊周闈寺中正人也
傷心時事杜門休沐國輔時在宮中每有巨救人
以張永目之馬士英視為眼中釘因囑所私以開
採事誑國輔具疏請往其寔士英意不在開採也

國輔提督勇衛營操練禁旅及奉命往浙士英竟
奪營叢授其子馬錫以乳奕兒縮兵柄時事可知
迺疏出士英遂切恨之手吏部侍郎顧起元諡文
莊都督劉源清諡武節起范鳳翼光祿寺少卿陳
洪謚太僕寺少卿考選林有本沈應昌張利民韓
接祖錢源徐方來莊則敬為給事中王錫象劉勳
夏繼虞郝錦王大掇畢十臣張兆熊王養郭貞一
為御史陞瞿式耜僉都御史巡撫廣西王驥副都




御史巡撫湖廣馬乾會都御史巡撫四川廣昌伯
劉良佐等合詞薦起朱大典為兵部侍郎大典久
任鳳督毀家起兵屢著戰功御史鄭瑜劾其侵駐
百萬知光以大典劄五軍府所養士馬豈容枵腹
詔勿問戎政兵部尚書張國維予告歸御史張孫
振劾在告禮部尚書顧錫疇險邪有玷秩宗以其
請削溫體仁諡而諡文震孟也命錫疇致仕去上
林監丞賀儒修奏禮部侍郎管紹寧貪穢寔迹詔

勿問外轉給事中馬嘉植御史沈宸荃吏部余颺
為司道等官以與士英不合故也禁宗室入京師
時自二月以來日月色甚赤欽天監占候以間朱
國弼疏論原任漕撫路振飛稱鳳陽有天子氣懷
逆謀和光詰振飛意屬何人原任杭州府推官黃
端伯先以無故削髮奉先帝旨勘問至是入京稱
姜曰廣逆謀有狀援引鬼神士英喜令與考選以
試卷多西域語得禮部主事禮部侍郎管紹寧請



上先帝太子諡曰獻愍皇太子永王曰永悼王定
王曰定哀王未幾鴻臚寺少卿高夢箕密奏先帝
太子在浙三月初一日命太監李繼周密捧札召
至寓僧寺令內員迎入宮內員歸報不寔尋命移
寓錦衣衛都督馮可宗家傳文武官識認各冠帶
往攜吉服朝服脩朝賀見其人南面坐大學士王
鐸指原任講官方拱乾問曰此何人對曰方先生
而講官劉正宗趨上不識也正宗拱乾問講讀先
後對曰忘之矣又問書做字句亦曰忘之矣給事
中戴英問先帝親親吳昌時於廷東宮立何地對
曰誰吳昌時英乃直詰之曰汝是詐冒以寔告當
敕汝即跪請救命授以紙筆供稱高陽人王之明
徐駙馬王昂侄孫家破南奔遇高夢箕家人穆虎
教以詐冒東宮王鐸等面奏狀如光流涕曰朕未
有子東宮若真即東宮矣明日正宗英各具奏王
之明偽假太子非稚年所能辦必有大奸挾為奇

國家圖書館, NATIONAL CENTRAL LIBRARY, TAIWAN, R.O.C.




貨宜勅法司根究中允李景濂亦奏東宮的係假
冒御史陳以瑞又奏愚民觀聽易惑道路藉：皆
以諸臣有意傾先帝之血胤和光諭將王之明好
生護養勿驟加刑俟正告天下愚夫愚婦皆已明
白然後申法有內員上密疏和光令持示士英士
英言細閱密疏其言雖似疑慮寔多既為東宮幸
脫虎口不即到官說明却走紹興可疑一也東宮
厚質凝重此人機辨百出可疑二也公主現養周

奎家而云已死可疑三也臣愚以太子必已死宜
行嚴審如其假冒當付法司與臣民共見而棄之
如真東宮則祈取入深宮留養別院不可分封于
外以啓奸人之心越三日集文武百官舉監生員
者老於午門外鞠之夢箕穆虎皆具服如之明言
下之明刑部獄傳諭穆虎若非奸人豈敢挾王之
明冒認東宮正月二月所成何局往闈往楚欲幹
何事主使附逆寔繁有徒着法司窮治蓋士英意




在姜黃輩而京師士民謬以太子為非偽也十三
日又有故妣童氏自越其際所至命付錦衣衛監
候初和光為郡王娶妣黃氏早逝既為世子又娶
李氏洛陽之變又三童氏本周府宮人逃亂至蔚
氏縣遇和光于旅邸相依生一子已六歲賊破京
師和光南奔各不相顧太妃與妃各依人自活太
妃之南陳潛夫奏妃故在和光弗召至是自詣其
際所來和光弗悅也劉良佐言童氏知非假冒馬
士英亦言苟非至情所關誰敢與陛下稱敵體宜
迎童氏歸內密諭河南撫按致致皇子以慰臣民
之望以消奸宄之心童氏在獄細書入宮月日相
離情事甚悉求馮可宗呈覽和光棄去弗視可宗
辭審尋命屈尚忠嚴刑酷拷氏號呼詛罵尋瘐死
獄中未幾左良玉具疏請保全東宮以安臣民之
心謂東宮之來吳三桂寔有符驗史可法明知之
而不敢言此豈大臣之道滿朝諸臣但知逢君不




惜大體前者李賊逆亂尚錫王封不忍遽加刑害
何至一家反視為仇明知窮究並無別情必欲輾
轉誅求遂使陛下忌屋烏之德臣下絕委裘之義
普天同怨陛下獨與二三奸臣保守天下無是理
也親：而仁民願陛下省之有旨東宮果真當不
失王封但王之明被穆虎使冒太子正在根究奸
黨其吳三桂史可法等語尤係訛傳法司將審明
畧節先諭該藩黃得功言東宮未必假冒各官違

迎不知的係何人辨明何人定為奸偽先帝之子
即陛下之子未有不明不白付之刑獄人臣之義
謂何恐在廷諸臣諂佞者多抗顏者少即使明白
識認誰敢出頭取禍乎劉良佐言王之明童氏兩
案未協輿論懇求曲全兩朝彝倫毋貽天下後世
口實工部侍郎何楷言鎮疏東宮甚明湖撫何騰
蛟言太子到南何人奏聞何人物色取召至京馬
士英何以獨知其偽既是王昺任孫何人舉發內




官公侯多北來之人何無一人確認而泛云自供
高夢箕前後二疏何以不發抄傳此事闕天下萬
世是非不可不慎江督袁繼咸言太子居秘氣養
必非外間兒童所能假襲王昺原係富族高陽未
聞屠害豈無父兄羣從何事隻身流轉到南既走
紹興於朝廷有何關係遣人踪迹呂來詐冒從何
因起望陛下勿信偏詞使一人免向隅之恨則宇
宙享蕩平之福和光以王之明自供甚明命法司

將審明節畧各諭之吏部尚書張撓題准卹成國
公朱純臣照張輔例贈王純臣固率先勸進為賊
所誅者也琉球國遣使入貢請襲封命給事中陳
燕翼行人韓元勳各給一品服色前去原任中允
李明睿泛海南歸和光以忠節深嘉之十九日設
壇太平門外百官素服望祭先帝獨阮大鍼後至
哭呼先帝而來曰致先帝殉社稷者東林諸臣也
不盡殺東林諸臣不足以謝先帝令陳名夏徐汧



等俱北走矣馬士英急止之曰徐九一現有人在
大賊日與楊維垣謀必欲盡殺東林復社諸人大
獄將興尋以上游告警姑緩或夜半書士英堂中
云闖賊無門匹馬橫行天下元克育身一兀直搗
中原求其人不得屠場尚書賀世壽僉都御史郭
維經告病去維經江右正人羣小指為南昌私黨
大賊密遣人於江中劫之以應天府丞鄒之麟為
都察院僉都御史陸何騰蛟兵部侍郎兼僉都御
史總督川湖雲貴廣西軍務楊鷄回部管事時鷄
撫湖南士英慮其人情不調疏令回部鷄抗疏言
人情極調且臣與良王旂鼓相當英雄本色丈夫
肝腸青天白日伏乞以後申飭臣工收斂精神用
之勤禦釋此不必然之疑省此不必然之事若知
之不明處之不當聽細人之言薄勞苦功高之士
識者灰心人：解體殆非所以鞏朝廷而鼓忠勇
也戶科吳适亦言鷄與良王慷慨同仇共矢夾輔

等俱北走矣馬士英急止之曰徐九一現有人在
大賊日與楊維垣謀必欲盡殺東林復社諸人大
獄將興尋以上游告警姑緩或夜半書士英堂中
云闖賊無門匹馬橫行天下元克育身一兀直搗
中原求其人不得屠場尚書賀世壽僉都御史郭
維經告病去維經江右正人羣小指為南昌私黨
大賊密遣人於江中劫之以應天府丞鄒之麟為
都察院僉都御史陸何騰蛟兵部侍郎兼僉都御



蒞沅數日酌定營制經理屯田業有端緒不久撤
回大業弗竟臣恐湖南自此瓦解而楚事不可為
矣夫大敵當前屢易大帥軍法所忌寧擇而後用
致審於任事之初無用而後擇輕更於受命之後疏
入不肖劉良佐奏報許定國引

大清兵入儀封李本身劉洪起馳斬定國先鋒劉道
行

大清兵入考城加洪起太子太保

大清兵尋破歸睢巡按御史凌駟死之任潤生自縊

馬遺我

大清書有云願堅盟好勿輕南下否則揚子江頭凌


御史即錢塘江上吳相國也事聞贈駟兵部侍郎

潤生御史

大清兵進逼江北直下徐嶺總兵李成棟南遁四月


初一日命盡去各衙門印文南京二字因禮部管

紹寧印被竊馬士英請改鑄另給也初四月寧南




侯左良玉舉兵東下馳疏至云竊見逆賊馬士英
出自苗種性本兇頑臣身在行間無日不聞其罪
狀無人不恨其奸邪先帝皇太子至京道路涸傳
陛下屢發矜憐士英以真為假必欲置之死而後
快其謀臣前兩疏望陛下從容審處猶冀士英夜
氣稍存亦當刷腸悔過以存先帝一綫不意奸謀
日甚一日臣自此義不與奸賊共天日矣臣已提
師在遠將士眦目指髮人必欲快食其肉臣恐
百萬之眾發而難收震驚宮闕且聳其罪狀正告
陛下仰祈剛斷與天下共棄之自先帝之變人
號泣士英利灾擅權事與先帝為難欽崇先帝
手定者士英首翻之要典先帝手焚者士英修復
之思宗改諡明示先帝不足思以絕天下報仇雪
耻之心罪不容于死者一也國家提衡文武全恃
名器鼓舞人心自賊臣竊柄以來責官鬻爵殆無
虛刻都門有職方賤如狗都督滿街走之謠如越

國家圖書館, NATIONAL CENTRAL LIBRARY, TAIWAN




其際以貪罪遣戍不一年而立陞部堂張孫振以
賑污絞犯不數月而黃綠僕少衰知勳與張道濟
皆詔獄論罪者也借起廢徑復原官如楊文聽劉
泌王燧以及趙書錕等或行同犬彘或罪等叛逆
皆用之于當路凡此之類直以干計蠶竹難書罪
不容于死者二也閣臣司票擬政事歸六部至于
兵柄尤不得兼握士英已為首輔猶復掌樞是并
髡太祖法度且又引其腹心阮大鍼為添設尚書
以濟其篡弒之謀兩于梟獍各操重兵以為呼應
司馬昭復生于今日罪不容于死者三也陛下選
立中宮典禮攸闕士英居為奇貨先擇其尤者以
充下陳罪通于天而又私買歌女寄養阮大鍼家
希圖進選計亂中宮陰謀叵測罪不容于死者四
也陛下即位之初恭儉神明士英百計誣惑進優
童豔女損傷盛德每對人言惡則歸君罪不容于
死者五也國家遭此大難須寬仁慈愛以收人心

國家圖書館 NATIONAL LIBRARY OF TAIWAN




士英自引用阮大鍼以來睚眦殺人如雷續祚周
鑪等煅煉周內棟連蔓引尤其甚者借題三案深
埋陷阱將生平不快意之人一網打盡令天下士
民重足解體罪不容于死者六也九重秘密豈臣
子所敢言士英遍布私人凡陛下一言一動無不
窺視又募死士竄伏皇城詭名禁軍以觀陛下動
靜曰廢立由我罪不容于死者七也率土碎心痛
號者先帝殉難皇子猶存前此定王之事海內至

今傳疑未已况令皇太子授受分明臣前疏已恚
士英乃與阮大鍼一手拿定不畏天道神明不畏
二祖列宗不畏天下公議不畏萬古綱常忍以先
帝已立七年之嗣君為四海謳歌訟獄所歸者付
之幽囚天昏地慘神人共憤凡有血氣皆欲寸磔
士英大鍼等以謝先帝此非臣之私言諸將士之
言也非獨臣標將士之言天下忠臣義士愚夫愚
婦之公言也伏乞陛下立將士英等肆諸市朝傳




名寔應圖識除詔命贈歷之餘無朝政自私自怨舊
仇而外無功能類此之為何其亟也而乃冰山發
滅鯉水興波羣小充斥於朝端賢良竄逐於崖谷
同己者性伴豺虎行列猶猴如阮大鍼某：等數
十巨惡皆引之為羽翼以張殺人媚人之赤幟異
己者德並蘇黃才嫵房杜如劉宗周姜曰廣高和
圖等數十大賢皆誣之為朋黨以快也如蛇如之
狼心道路有口空憐職方如狗都督滿街之謠神

明難欺最痛立君由我殺人何妨之句嗚呼江漢
長流瀟湘盡竹罄此之罪豈有極與若鮑魚蓄而
日殫若火木重而逾烈故崔魏之癖狗遽敢滅倫
收闖獻之獼猴教以升木用腹心出鎮太尉朱泚
之故智幾：殆有甚焉募死士入宮宇文化及之
所為人：而知之矣是誠河山為之削色日月隕
以無光又况皇嗣幽囚烈祖怨恫海內懷忠之臣
誰不願食其肉敵國嚮風之士咸思操盾其家本




藩先帝舊臣招討重任頻年痛心疾首願為鼎邊
雞犬以無從此日履地戴天誓與君側豺狼而併
命在昔陶八州靖石頭之難大義於今炳然迄乎
韓蘄王除苗氏之奸臣職如斯乃盡是用厲兵秣
馬討罪興師當鄭討賊之軍憶裴度開邪之語
謂朝中奸黨盡去則諸賊不討自平倘左右克惡
未除則河北雖平無用三軍之士戮力同仇申明
仁義之聲聞首嚴焚戮之隱禍不敢妄殺一人以

傷天心不敢荒忽一日以忘王室義旗所指正明
為人臣子不忘君父之心天意中興必有間世英
靈矢翼皇明之運泣告先帝揭此心肝願斬賊臣
之首以復九京還收阮奴之黨以報四望倘感於
邪說詿誤流言或受奸臣之指揮或樹義兵之仇
敵本藩一腔熱血鬱為輪囷離奇勢必百萬雄兵
化作蛟螭妖孽玉石俱焚之禍近在目前水火無
情之時追維心痛敬布苦衷願言共事嗚呼朝無



直臣誰斥李林甫之奸邪國有同心尚懷鄭虎臣
之素志我祖宗朝三百年養士之德豈其決裂於
僉壬大明朝十五國忠義之心正宜暴白於魂魄
速張殪虎之機勿作逋倖之藪然董卓之腹膏溢
三旬籍元載之厨椒盈八百國人盡快中外甘心
謹檄又沿途過張告示稱本藩奉太子密旨率師
赴救士英等大懼京師戒嚴士英高理部事不入
直江督袁繼咸請赦太子以遏止之和光切責時


左兵由九江安慶至建德順流而下調黃得功劉
良佐離汛遣劉孔昭阮大鍼方國安朱大典同禦
之陞大典兵部尚書國安掛鎮南將軍印劉澤清
亦托勤王率兵大掠南行揚泗徐邳勢同鼎沸史
可法連疏告警孔光曰上游急則赴上游北兵忌
則赴北兵自是長策可法曰上游不過欲除君側
之奸原不敢與君父為難若北兵一至宗社可虞
不知輔臣何意朦蔽至此乃移書士英懇其選將



添兵大聲疾呼士英惟以左兵為慮不應劉洪起
又奏

大清兵直下無人敢遏恐為南京之憂王永吉亦奏
徐鎮孤危勢不能存必保徐州方保江北可法又
請面朝處分東宮以息羣囂弘光諭西警方急卿
專心料理待奏凱後見可法歎曰奏凱二字談何
容易談如上言面君不知在何日矣又連上二疏
一劾各鎮擁兵糜餉一劾李成棟避敵南奔士英


亦不應弘光惟以選淑女為急先是應天府選到
名不中司禮監又選六名亦不中特遣內監田壯
國往杭州選到陳氏王氏李氏三人着於十五日
進元暉殿命戶工部各委官一員採辦中宮珠冠
禮冠三萬兩常冠一萬兩殺從逆光時亨周鍾武
慄又殺原任武德道僉事雷縉祚禮部主事周燾
鑣與鍾從凡弟也負時譽與阮大鍼有隙士英奏
鍾從逆謂鑣當坐照磨張明弼奏鑣險惡未統鑣



姚思孝尚寶司卿李之椿等合詞請脩淮揚工科
吳希哲等亦言淮揚最急應亟行防禦知光諭英
左良玉雖不該與兵以逼南京然看他本上意思
原不曾反叛如今還該守淮揚不可撤江防兵士
英厲聲指諸臣對曰此皆良玉死黨為游說其言
不可聽臣已調得功良佐等渡江矣寧可君臣皆
死於

清不可死於左良玉乎瞑目大呼有異議者斬弘光

復撫轡他事論初提問續祚亦與大鉞有怨澤清
疏攻大器及續祚大鉞復奏續祚不忠不孝吏科
林有本繼之有旨從逆各犯及雷續祚二案着法
司速行訊結光時亨者與李明睿不同聲氣阻駕
南遷者也故與四人同死改王永吉總河兼督淮
揚鳳應等處錢繼登巡撫揚州田仰撤回另用時
大清兵已徇徐碭下亳泗乘勢渡淮如入無人之境
十九日呂對馬士英力請亟禦左良玉大理寺卿



光默然諸臣咸為咋舌禮部尚書錢謙益言陳洪
範還該收他私光諭國家何嘗不收人只是收來
不得具用希哲退曰曾似道棄淮揚矣給事中吳
造疏劾方國安年文綬言文綬本無寸功驟列大
帥乃復縱兵譁掠推陷建德東流大厲非法國安
受國厚恩乃銅陵西關南陵城外聚兵攻擊赤子
何辜遭茲塗炭益之深熱其與叛逆何異陛下宜
加禁戢蔡奕琛等京旨文綬久在南康國安現在

勦逆吳造謠言亂政為逆臣出脫是何肺腸明日
奕琛具疏特糾逮造下獄先是左光先按浙會鞠
共成是獄及奕琛入相與阮大鍼同心排擠光先
以致褫逮并及於造寔借題以快夙憾而國事封
疆俱置不問御史張孫振又有疏糾造為東林嫡
派復社渠魁宜速正兩觀之誅二十四日

大清兵攻揚州史可法禦之薄有斬獲攻益急血奏



請救不報可法開門出戰


大清兵破城入屠揚州可法死之原任兵部尚書張伯鯨被執不順身被數創自刎死妻楊氏媳郝氏從之明日孔光呂羣臣問遣都計錢謙益言不可馬士英請調點兵入衛辦走貴陽工科吳希哲等力諫乃止呂點兵一千二百名入城命住雞鳴山房良玉舉兵不數日病死于夢庚東下至采石為黃得巧方國安所敗尋聞

大清兵信急引還據聞封得功靖國公并晉大鉞大典太子太保總兵張杰等各加級有差五月以巡漕御史霍達監軍僉事楊文驄分設蘇松常鎮巡撫各僉都御史初五日百官進賀孔光以演戲不視朝馬士英傳令各門下閤辰開中開封鄭鴻逵

靖 伯世襲賜蟒衣金帶

大清兵既破揚州沿江問渡惟鄭鴻逵一旅守於京


口初八日夜



大清兵編茂張燈向鎮江而別由老鶴河渡初九日
晝抵南岸鄭兵揚帆東適初十日開京師各城門
晝晦大風猛雨午後猶集梨園入內演戲引光與
諸內臣謀坐酣飲二鼓出奔五鼓士英奉太后召
點兵護衛走浙黎明內門不閉宮女謀走於昞各
官奔竄十一日忻城伯趙之龍閉各城門以待

大清兵居民競殺城內外點兵無有逆者午刻有監
生趙某率市人百眾出王之明於獄擁入宮中登


殿鳴鐘百官莫有至者吏部尚書張縉副都御史
楊維垣自經死妾朱氏孔氏從之王之明粘示皇
城畧云先皇帝玉承大鼎惟茲臣庶同共甘苦胡
天不祐慘罹奇禍凡有血氣裂毗痛心泣于小子
分宜殉國思以君父大仇不共戴天皇祖基業汗
血匪易忍垢避圖雪國耻幸文武先生迎立福
藩于惟先帝之哀奔投南都寔欲哭陳大義不意
巨奸障蔽至櫻楹楛于雖幽獄無日不痛絕也福



王聞兵遠遁先為民望其如高皇帝之陵寢何泣
予小子父老人氏圍抱出獄擁入皇宮予身百重
寃豈稱尊南面之日乎謹此布告在京勲舊文武
先生士庶人等念此痛懷勿惜會議予當恭聽共
抒皇猷勿以前日有不識予之嫌惜爾經綸之教
也十二日欽天監擊壺官陳于階自經是日弘光
駐太平府二十里外黃得功阮大鍼朱大典方國
安等來見欲入太平太平民不納十三日往蕪湖


總兵官黃斌知遁登中軍翁之琪舟十四日將往
浙時

大清豫王已薄都城趙之龍同王之明出降豫王加
之龍興國公賜金鎧鞍馬貂裘寶帽設牛酒軍中
宴之十六日豫王入京百官朝見百姓家設香案
投誠豫王出示曉諭大畧云福王僭稱尊號沉湎
酒色信任僉士民生日瘁文臣弄權只知作惡納
賄武臣要君惟畏假威跋扈上下離心遠近仇恨



時劉孔昭往浙劉澤清入海劉良佐降奉豫王命
引兵追和光至蕪湖於十五日及之且召黃得功
得功不從良佐伏弩射中得功喉得功創甚拔劍
自刎良佐挾和光去之琪投水死和光見豫王于
內守隘府王賁其階位稱尊荒酒好色及謀害太
子等事和光默救隨囚於江寧縣刑部尚書高倬
戶部郎中劉成治著中自經十八日國于監生吳
可箕難鳴山關廟中經死二十三日中書舍人龔

廷祥投秦淮河中死其死不知日者中書舍人陳
煥及于舉人陳泊俞戶部主事吳佳胤死不知名
者投秦淮河中馮小璫百川橋下乞兒也小璫以
色幸卒以身殉乞兒題詩橋上有云三百年來養
士朝如何文武盡皆逃綱常留在卑田院乞丐羞
存命一條禮部郎中劉萬春主事黃瑞伯以不朝
斬之豫王分兵畧定各屬而命御史王懷劉光斗
鴻臚丞黃家壽等分往招撫家壽至蘇遇害蘇州




TIFFEN Color Control Patches © The Tiffen Company, 2007




諸生顧所受服儒服哭文廟投泮池死原任少詹
徐沂沉甯邱後溪死元妙觀前膏麵人夫婦對經
死常州石生及膏扇歐姓者投西廟池中死又一
鄉民膏柴入城聞安撫使至棄柴船躍入文城壩
南龍游河死五牧有蓄鷄烏薛叟以薙髮自縊死
常熟諸生徐憚以薙髮自經死諸生項志寧不食
死武進諸生董元哲痛哭死至於各處起兵見殺
則肯池諸生吳應其宣城諸生麻三衛徽州鄉宦

金替武官陳有功余元宣萬會吳國正而蘇州原
任游擊魯之璵及韋武韜俱戰死嘉定原任通政
使侯峒曾城破與子諸生侯玄演侯玄潔被殺進
士黃淳耀與凡黃淵耀及舉人張錫眉龔用圖俱
死常熟諸生徐守賢戰死崑山貢生朱集璜城破
被執不順死故將王公揚年七十戰死諸生陶琰
城破自刎死原任狼山總兵王佐才為亂兵殺死
一家老幼屠戮殆盡松江原任中書李侍問博羅




知縣章簡城破被殺吏部主事夏允彝投水死總
兵吳志葵黃蜚駐兵豆腐浜被擒解至南京殺死
華亭教諭睦明永被執不順死常州諸生吳福之
徐安遠入太湖從黃兵：敗福之投水死安遠被
殺諸生張龍文華鄉兵薄郡城殺死江陰屢攻不
下至三月乃克遂屠其城典史陳明遇合門投火
悶應元不順見殺訓導馮某自縊明倫堂上中書
戚勳全家焚死及兵下嘉湖吏部郎中錢棟戰歿

震澤原任吏部尚書徐石麒自縊其僕祖敏徐錦
從死兵至杭州潞王以城投順杭州屠任行人陸
培縊死錢塘知縣顧咸建不順被殺某縣知縣梁
于溪亦死其前遣使臣左懋第在北聞江南陷
日不食攝政王召見麻衣孝巾草屨向上長揖南
面而坐攝政王數以偽立福王勾引土寇不授國
書擅殺總兵當廷抗禮五大罪懋第抗詞惟請一
死命薙髮堅不肯於閏六月十九日殺之題絕命



詩育云峽坼巢封歸路迴片雲南下意如何十丹
冷魄消難盡蕩作寒煙總不磨恭謀兵部主事陳
用極游擊王一斌張良佐王廷佐劉統等五人從
死忽風沙四起捲帟棚於雲際屋瓦皆飛一時罷
市豫王既定江浙犇歸北京挾和光王之明去不
知所在

國家圖書館, NATIONAL CENTRAL LIBRARY, TAIWAN, R.O.C.






國立中央圖書館 國家圖書館 國立中央圖書館 國家圖書館




國家圖書館, NATIONAL CENTRAL LIBRARY, TAIWAN, R.O.C.





國立中央圖書館, NATIONAL CENTRAL LIBRARY, TAIWAN, R.O.C.



3395619 v.4




國立中央圖書館, NATIONAL CENTRAL LIBRARY, TAIWAN, R.O.C.



大清兵渡江南都者守總兵官蘇斌達鄭利振即向
閩會唐王浚河南來奉之俱南王孫州與福建通
撫張肯堂迎接御文兵春枝禮部尚書黃道周南
安伯斯廷龍等共會議立唐王為監國王太孫

乙酉五月

福建兩廣



大清兵渡江南都弗守總兵官鄭鴻遠鄭彩撤師回
閩會唐王從河南來奉之俱南至福州與福建巡
撫張肯堂巡按御史吳春枝禮部尚書黃道周南
安伯鄭芝龍等共會議立唐王為監國王太祖後

乙酉五月


福建兩廣

明季遺聞 卷四

江左鄒 漪流綺輯




國家圖書館, NATIONAL CENTRAL LIBRARY, TAIWAN, R.O.C.




也封南陽初以父歿失愛於祖兩叔謀奪嫡未得
請名及祖端王襲守道陳奇瑜知府王之桂為之
請嗣後以統兵勤王擅離南陽鋼高牆會赦出性
率直喜詩書平草傳檄誅：數千言鴻遠請正位
不然無以壓衆心而杜後起芝龍意別有在固爭
以為不可諸大臣夕言監國名正出關尺寸建疏
未遲而李長清有急出關緩正位示監國無當天
下心一疏不報擁入者豔珮戴功不數日即定議

即帝位於福州時閏六月十五日也是日郊天大
風震起板木揚沙及駕回宮尚寶司卿坐馬忽驚
躍起王璽墜地損其一角人咸異之改福州為天
興府以布政司為大內大赦改元隆武封鄭芝龍
為平 侯鄭鴻逵為定 侯鄭芝豹為澄濟伯鄭
彩為永勝伯設六部九卿以張肯堂為吏部尚書
李長清為戶部尚書曹學佺為禮部尚書吳春枝
為兵部尚書周應期為刑部尚書鄭瑄為工部尚



書馬思理為通政使鄭廣英為錦衣衛都督以天
建延興四府為上游汀邵漳泉四府為下游各設
撫按縣陞府：陞道：轉內卿一命以上咸與寵
錫於是敦求耆碩起蔣德璟黃景昉黃道周蘇觀
生何楷陳洪謚林欲楫朱繼祚黃鳴俊皆為大學
士改庶吉士為庶革士命觀生主之以招選賢才
又起曾櫻何吾駒郭維經葉廷桂以次至皆入閣
辦事其遠不能至者如王應熊楊廷麟等僅列其


名閩臣至三十餘人然俱閒無事不令票旨皆隆
武親為之德璟景昉欲楫皆力疏辭行人以死請
乃至德璟陞見首以清屯練軍告然竟築舍不成
時内外文武濟：然兵餉戰守機宜專譏芝龍為
政芝龍泉州人泉州郡城南三十里安平鎮芝龍
府故在馬芝龍幼習海知海情凡海盜皆故盟或
出門下自就撫後海舶不得鄭氏令旗不能往來
每一舶例入三千金歲入千萬計芝龍以此富敵



為粵西總鎮楊國威旗鼓式韜授計於璉而邦傳
亦應檄統兵至并受令隨擒靖江王及國威與吏
科給事中顧英等械至福州與國威英等俱斬於
市以平靖功封魁楚為伯晉式韜兵部侍郎銜兼
副都御史是時浙東亦奉魯王監國先是


大清兵入浙潞藩以城降貝勒散吏官吏至浙東且
令羅髮山陰原任蘇松巡撫祁彪佳赴池水死原
任左都御史劉宗周不食死有絕命詞云留此句

日死少存巨濟意決此一朝死了我平生事慷慨
與從容何難亦何易又示婿秦嗣瞻詩云信國不
可為偷生豈能久止水與壺山只爭死先後若云
袁夏甫時地皆非偶得正而斃矣庶幾全所受門
人會稽諸生王毓著聞變即遺書宗周有云願先
生早自決毋為王炎午所弔投柳橋河死儒士潘
集奔東渡橋袖石自沉死儒士周卜年赴東海死
原任大學士高和圖流寓紹興城外逃至野寺不




食死時馬士英亦率所部奉和光母妃至紹：人
士猶未知和光所在原任九江僉事王思任上疏
請斬士英言戰鬪之氣必發於忠憤之心忠憤之
心又發於廉耻之念事至今日人：無耻在：不
憤矣所以然者南都定讞以來從不曾真：實：
講求報雪也主上寬仁有餘而剛斷不足心惑奸
相馬士英爰立之功將天下大計盡行交付而士
英公竊太阿肆無忌憚窺上之微而有以中之上

嗜飲則進醴醪上悅色則獻妖淫上喜音則貢優
寵上好玩則進古董以為君逆臣勞而以疆場擔
于一肩推與史可法又心忌其成功而決不照應
之每一出朝招集亡賴責官驚爵攫盡金珠而四
方狐狗輩願出其門下者得一望見費至百金得
一登簿費至千金以至文選職方乘機打劫巡撫
總督見克即題其餘編頭修脚服錦橫行者不在
話下矣所以然者士英獨掌朝綱手握樞柄和利




而不知害知存而不知亡朝廷篤信之以至於此也茲事急矣政本閣臣可以走乎兵部尚書可以逃乎不戰不守而身擁重兵口稱護太后之駕則聖駕獨不當護耶一味欺蒙滿口謊說英雄所以解體豪傑所以灰心也及今猶可呼號泣召之際太后宜速趣上照臨出政斷酒絕色卧薪嘗胆立斬士英之頭傳示各省以為誤國欺君之戒仍下哀痛罪己之詔以昭悔悟則四方之人心士氣猶可復振而戰鼓可厲苞桑可固也又上書士英言閣下文采風流才情義俠職素欽慕即當國破衆疑之際爰立今上以定時局以為古之郭汾陽令之于少保也然而一立之後閣下氣驕腹滿政本自由兵權獨握從不講戰守之事而只知貪黷之謀酒色逢君門牆固黨以致人心解體士氣不揚叛兵至則束手無策強敵來而先期以走致令乘輿播遷社稷邱墟閣下謀國至此即喙長三尺亦



何以自解也以職上計莫若明水一盃自刎以謝
天下則忠情節義之士尚爾相諒無他若但求全
首領亦當立解樞權授之才能清正大臣以呂英
雄豪傑呼號惕厲猶可俸望中興如或逍遙湖上
潦倒烟霞仍效賈似道之故轍千古笑齒已經冷
絕再不然如伯詒渡江則吾越乃報仇雪耻之邦
非藏垢納污之區也職當先赴胥濤乞素車白馬
以拒閣下上干洪怒死不贖辜閣下以國法處之

則當束身以候緹騎私法處之則當引頸以待鉏
麈原任山西僉事鄭之尹于鄭遵謙殺招撫使於
江上與張國維方逢年柯夏卿宋之普陳西輝熊
汝霖孫嘉績等迎立魯王於台朱大典亦遣孫珏
上表勸進魯王監國紹興國維首疏恭馬士英悞
國十大罪士英懼不敢入朝時逢年國維之普大
典俱為大學士封方國安荆國公張鵬翼永豐伯
鄭遵謙義興伯王之仁武寧伯國安守嚴州鵬翼



守衢州國維督師江上賜上弓劍行事于世鳳為
平將軍補御史陳潛夫原官加太僕寺少卿命
監各藩鎮兵馬七月復富陽八月復于潛時兵馬
雲集人治一軍不相統一部曲騷然國維疏請於
王謂尅期會戰則彼出此入我有休番之逸而攻
聖搗虛人無應接之暇此為勝算必連諸帥之心
化為一心然後使人之之功罪視為一人之功罪
十月

大清兵至國安嚴陣當之國維率王國斌趙天祥接
應追戰於草橋門為天大風雨火炮石矢不得發
遂收兵

大清兵營木城於沿江會閣中頒詔至諸求富貴者
爭欲應之監國下令返台士民惶惶國維星馳至
紹上疏隆武謂國當大變凡為高皇帝子孫臣庶
所當同心併力成功之後入關者王監國退居藩
服禮誼昭然若以倫叙叔侄定分在令日原未暇




易且監國當人心奔散之日鳩集為勞一旦南拜
正朔鞭長不及猝然有變唇亡齒寒悔莫可追臣
老臣也豈若朝秦暮楚之客哉疏出議始定而浙
閩成水火矣閩餉不足芝龍遣給事中梁應奇入
粵督餉應奇往泰遲悞者數十人命提問亦莫應
潮州知府楊球遂止越界不敢入芝龍又令撫按
以下皆捐俸助餉官助之外有紳助紳助之外有
大戶助又借徵次年錢糧又察括府縣虛積年存

銀未解者厘毫皆解又大驚官爵部司僭銀二百
兩後減至百兩武劄僅數十兩或數兩於是揭優
廝隸盡列冠裳然無俸無銜空名而已其黠者倩
軒蓋僱僕役拜謁官府鞭撻里鄰晉江令金允治
蒞訟兩造皆稱職官則立而語互毆於庭不可制
受害者延頸


清兵謠曰

清行如蟹曷遲其來也然猶苦餉不足所招關門兵




不過疫癘數百人耳時廷臣請出關者章滿公車
隆武亦欲躬履行間而芝龍以缺餉為辭十月會
會后至迎入宮乃暫止初隆武孤身南來鴻達以
所掠夫人十二獻及后至乃大興將作擴構宮殿
庀匠之器悉用黃金開織造府造龍袍后服下體
皆織龍鳳形后性警敏頗知書有賢能聲每召對
奏事於屏後聽之共決進止隆武頗嚴憚之而隆
武未有胤芝龍乃令子森賜國姓改名成功每隆

武意所向成功輒先得以告芝龍由是廷臣無敢
異同者宰相半出門下何楷與芝龍爭朝班不合
乞歸中途盜截其耳詔追賊不得兵科給事中劉
中藻亦以忤鄭氏去或密以攬權告隆武隆武輒
責芝龍芝龍怒佯謝事又即固留曰此非朕意乃
某人言也于是左右無一同心皆鄭人矣丙戌元
旦早朝以足板擲蔣德璟幾傷邵武知府吳收燁
推官朱健移眷池駐坐倡逃建陽知縣施燧為奸



胥摘發坐貪酷俱駢斬帝曹龍漢知縣謝秦宗以
貪劾罰八千金杭嚴道龔可楷航海至閩不用有
躡爾躡爾之疏終被賊殺死而南來亡賴之徒爭
上疏設兵即得召對片言合旨賚寶錢賜官爵久
之漸多部曹幾及千人所賞芝龍亦不應然隆武
心知芝龍不可恃卒無以制之芝龍亦以不出關
無以壓衆心乃分兵為二聲言萬人實不滿千人
以鄭鴻逵為大元帥出浙東鄭彩為副元帥出江

西隆武倣淮陰故事築壇郊拜而送之既出關疏
稱候餉駐不行月餘內催二將檄如雨而切責鄭
彩畏縮不前自有國法在不得已踰關行四五百
里而還仍疏言餉絕留如故於是黃道周以師相
請募兵江西江西多其子弟願俱效死軍前芝龍
不與一錢隆武給空劄百函為行資而已道周以
劄號召門下得百人居吉安與楊廷麟萬元吉為
呼應出兵徽州為




大清兵所擒械送江寧道周絕粒不食積十四日不
死內院洪承疇疏救言道周清節風學負有重望
今罪在不赦而臣察江南人情無不憐憫痛惜道
周者伏望

皇上赦其重罪待以下死


上不允尋同中書類維察維謹等駢斬於市蔣德璟
自請行闕確察情形相機督戰隆武許之比至則
疲兵弱卒朽甲鈍戈一無可為德璟告病去而戶

部尚書李長清以餉不繼憂死提學御史毛協恭
亦憤卒泉州知府鄒式金見事不可為擢興泉道
副使予告去吏部郎中趙玉成與尚書張肯堂同
籍江南疏言臣等生長海濱請以水師千人從海
道直抵君山襲取金陵以迎陛下計陛下陸行期
同會於金陵隆武大喜亟催芝龍造船芝龍笑諾
會有疏水師諸臣宜留其家眷以防逃歸者事不
果隆武乃決意親征二月駐建寧楚撫何騰蛟江



右楊廷麟皆有疏迎隆武隆武意欲往江右猶豫未定而芝龍固請回省：中人數萬呼擁謂絕天下望因駐蹕劄津而任兵部尚書吳春枝留守晉大學士辭不受留駐浦城六月吳炳自江右單騎入闕命以布政提調棘闈而以編修劉以修為主考官取中舉人葉瓚等百餘名猶雍：太平蒙也皇子誕生羣臣賀未有日月為明止戈為武語隆武嗟賞大赦覃恩鄭氏廝養俱得三品誥撰勅者織軸者日不暇給當是之時兵羸餉絕當事無設及兵事者舉朝如夢如醉不待識者而知其敗壞矣時

大清招撫江南者為內院大學士洪承疇招撫福建者為御史黃熙胤皆晉江人與芝龍同里芝龍密遣使微行通款而隆武獨與魯王為仇都督陳謙奉魯使與行人林空至關及關趙超未敢入芝龍以書招之乃入陞見啓函稱皇叔父而不稱陛下



月各營皆西望心碎王之仁上疏監國言事起日
人：有直取黃龍之志乃一敗後遽欲以錢塘為
鴻溝天下事何忍言臣今日計惟有前死一尺願
以所隸沉船一戰今日欲死猶戰而死他日即死
恐不能戰也三月初一日

大清兵驅船開壩入江張國維命之仁統水師從江
心襲戰是日東南風大起之仁揚帆奮擊之國維
督諸軍渡江會隆武使陸清源貴詔至江犒師馬

士英峻國安斬之且出檄文數隆武過國維曰禍
在此矣四月杭州固守堅不可克魯王議抽兵屬
國維西征以禮部尚書余煌兼兵部尚書事督師

江上

大清貝勒王屯兵北岸以江濶可試馬用大砲擊南
營碎方兵中厨鍋灶國安曰此天奪吾食也更念
隆武曾以手勅相招入閩必大用即不支便道可
退入滇黔五月廿七日夜遂拔營走至紹陳兵劫



監國南行廿八日江上諸師聞報俱潰鄭遵謙攜
貲入海廿九日惟王之仁一軍尚在將由江入海
國維與之仁議抽兵五千分守各營之仁泣曰壞
天下事者非他人方荆國也

清兵數十萬屯北岸倏然而渡孤軍何以迎敵之仁
有船可入海公兵無船適當自為計國維乃振旅
追扈監國禮部尚書余煌大張殊示盡啓九門放
兵民出走畢正衣冠赴水死六月初一日

大清兵渡江國維行次至黃石岩方馬阮兵斷所過
橋：下刻大字二行云方馬至此止。兵往前行
國安士英決計獻監國為投降計乃遣人守監國
守者忽病監國得脫登海舶傳命國維過防四邑
遂過東陽治兵再舉時六月十八日也二十五日
大清兵破義烏衆勸國維入山國維曰誤天下事者
文山疊山也一死而已二十六日


大清兵至弋里寺國維具衣冠南向再拜曰臣力竭



笑作絕命詩三章自述曰艱難百戰戴吾君拒

辭唐氣厲雲時去猶為朱氏鬼精靈當傍孝陵坟
念母曰一暝纖塵不掛胸惟哀羞母暮途窮仁人
錫類能無意存歿啣恩結草同訓子曰夙訓詩書
擊鼓鉦而令絕口莫設兵蒼：若肯施存恤秉耒
全身答所生從容具衣冠赴圍池死興國公王之
仁戴其妻妾并兩子婦幼女諸孫盡沉於蛟門下
捧所封敕印北面再拜投之水獨至松江莪冠登

陸百姓駭愕聚觀之仁從容入見內院洪承疇自
稱仁係前朝大帥不肯身泛波濤願來投見死於
明處承疇優接以禮命薙髮不從八月二十四日
就戮西市兵部侍郎陳函輝哭入雲峰山中作絕
命詞八首云生為大明之人死作大明之鬼笑指
白雲深處蕭然一無所累子房始終為韓穆叔生
死為魯赤松千古成名黃蘗寸心獨苦父母恩無
可報妻兒面不能親落日樵夫湖上應憐故國孤



臣三年五十有七回頭萬事已畢徒慙赤手擎天
惟見白虹貫日去夏六月廿七虛度一年世法但
嚴心內春秋莫問人間花甲斬盡一性情種獨留
性地靈光古衲共恭文佛麻衣泣拜高皇手著遺
文千卷尚存副在名山正學焚書亦出所南心史
難刪蕙業降生文人此去不留隻字惟將子孝臣
忠貽與世間同志又作自祭文一埋骨記一從容
笑語扁戶自經死禮部侍郎王思任不食死太僕

少卿陳潛夫偕妻孟氏妾孟氏夫妻姊妹聯臂共
沉河死兵部主事葉汝菴與妻王氏同溺死兵部
主事高岱絕食死子諸生高朗赴水死通政使吳
從魯不韮髮死原任山西僉事鄭之尹沉水死諸
暨諸生方炯山陰諸生朱瑋赴水死蕭山諸生楊
雪門自縊死醫生倪舜年正襟危坐磁缸內命人
掩覆朗聲誦佛死

大清兵至金華大學士朱大典固守攻月餘不下用




紅衣大砲破之大典合門縱火焚死其子師鄭邵
武進人亦死總兵張鵬翼守衢州標下副將秦應
科等內應城破鵬翼及樂安王楚王晉平王皆被
殺督學御史王景亮被執不順遇害馬士英阮大
鍼等猶擁殘兵數請入關隆武以其罪大不許馬
士英遁至台州山寺為僧隨為

大清將搜獲阮大鍼並降貝勒隨令內院辦事方達
年方國安及刑部尚書蘇壯等俱剃髮投順是時
舊撫田兵及方兵鄭兵孫三家兵或離或合逶迤
而南所至劫掠或挾婦女坐山頭呼壘浮白漫衍
嶺界者四五日後關門無一守兵亦無一敵兵寂
如也又數日

大清騎數十從容過嶺然

大清兵入閩或由建武由汀或由福寧俱走山谷間
道出不意不必仙霞也潰兵先奔者焚掠為食至
建寧科臣黃大鵬按臣鄭為虹開城發倉米庫銀




以犒歡呼而去一郡獨全八月十七日

大清兵至浦百姓請出降為虹不可再請行為虹又不可未幾

大清兵至擁見貝勒衆迫跪為虹不屈貝勒嘉其節
不忍殺且勸剃髮為虹曰負國不忠辱先不孝忠
孝俱虧我生何用寧求速死髮不可斷也明日復
召見責輸餉為虹請清白吏何處得金百姓爭欲
代輸贖以不死為虹以民窮財盡持不可噴血大

罵貝勒下令斬之為虹大喊奮躍奪刀自刺胸不
死遂見殺大鵬同日殉難為虹義僕陳龍與標下
中軍游擊原 浦城千戶張萬明及子都司張翹
鸞都督洪祖烈從死百姓為之祠馬隆武自芝龍
去後乃定計幸賴八月二十一日啓行猶載書十
車以從二十四日抵順昌聞


大清兵已及飯津且踵至倉皇騎而奔從行者止何
吾駒郭維經朱繼祚黃鳴俊數人已而何與郭亦



大清兵未至泉州鄭芝豹先至開城門大索餉皆計
鄉紳家財勒取不應即梟首至縛親家母於庭抵
暮得數萬又具火手將盡焚城中宮室屋宇以餉
未足遲至明日俄報固山兵將至乃奔安平芝龍
保安平軍容烜赫戰艦齎備砲聲不絕震天地以
前違洪黃之信未通猶豫未敢迎師又自恃先撤
關兵無一矢相如有大功而兩廣素屬部下若招
兩廣以自效閩廣總督可得循南面王也貝勒令

泉紳郭必昌與芝龍最厚者招之芝龍曰吾非不
忠於


清恐以立王為罪耳會固山兵逼安平芝龍怒曰既
招我何相逼也貝勒聞乃切責固山令離安平三
十里勿駐軍而遣內院二人持書至安平書畧曰
吾所以重將軍者以將軍能立唐藩也人臣事主
苟有可為必竭其力：盡不勝天則投明而事乘
時建不世之功此豪傑事也若將軍不輔立吾何



用將軍哉且兩粵未平今鑄閩粵總督印以相待
吾所以欲將軍來見者欲商地方人才故也芝龍
得書大悅其子弟皆勸芝龍入海魚不可脫於淵
不願降而芝龍田園遍閩廣東政以來增置庄倉
五百餘所駕馬戀棧遂進降表過泉州大張播告
誇投誠之數備待貝勒書招搖得官者就議價十
一月十五日至福州朝見貝勒握手甚歡折箭為
誓遂命酒痛飲三日夜半忽拔營起遂挾之而

北矣從者五百人皆別營不得見亦不許通家信
芝龍對面作家書數封皆孺無忌


清朝大恩語而謂貝勒曰北上面君乃龍本願但子
弟多不肯令擁兵海上倘有不測奈何貝勒曰此
與爾無與亦非吾所慮也芝龍既行鄭彩鄭瀉達
鄭成功皆率所部入海張肯堂沈猶龍等亦往舟
山依魯王芝豹獨奉母居安平芝龍至京陛見奉
朝請秋鄭彩鄭成功復又殺掠漳泉諸郡皆破之



汀邵並亂據建寧閩郵為阻戊子夏

大清兵再入閩破建寧屠之直抵漳泉鄭兵皆遁入
海至今沿海諸郡猶未得寧先是福州既失兩廣
總督丁魁楚與廣西巡撫瞿式耜會議監國而閩
學兵部尚書呂大器自閩至原任兵部尚書李永
茂以守制并至式耜首言監國永明王賢且為神
宗嫡孫應立永明王諱由榔桂王之子初封衡陽
以寇亂徙寓梧會桂王已薨永明猶在萊經中也


於十月十四日監國改元永曆以肇慶府署為行
宮推置僚署有差魁楚大器俱為大學士式耜以
吏部右侍郎兼閩學掌銓事魁楚兼戎政大器兼
中樞永茂請終制而福建舊相蘇觀生何吾驥俱
遁回廣東與布政使顧元鏡於十一月擁立隆武
第唐王聿錕監國年踰紹武以都司署為行宮會
贛州敗書至司禮太監王坤趣永曆移梧避之式
耜謂今日之立為祖宗雪仇耻正宜奮大勇以踰



遠近東人復不靖苟自懦外棄門戶內釁蕭牆國
何以立爭之不得逆移梧尋遷肇慶故大學士陳
子壯書達式耜請力誠蘇而趣兵東永歷遣兵科
給事彭耀注諭之耀粵東人舊為秦令有能聲譽
晚倫序監國光後國家仇讐利害觀生等殺耀於
市日集兵向肇慶右司馬林佳禹督兵靖東郊東
將詐降臨佳禹沒於水東人益獷式耜疏言草昧
之初惟養聖德修紀綱慎政教挽人心布威武起

用人望招徠賢俊為首務王坤者固北奄自南部
失而入閩隆武遣出茲用司禮秉筆育戶部郎中
周鼎瀚內批改給事中瞿式耜力言不可不聽以
粵巡使王化澄陞粵督尋代佳禹晉少司馬掌中
樞大器先以病去矣內批陞化澄為大司馬式耜
疏言化澄誠賢有廷論斜封墨數何可為例請補
部疏尚得體蓋汲汲為奄預慮也晉永茂大學士
茂守制僉請專知經筵不入直茂疏薦十五人為


國家圖書館 NATIONAL CENTRAL LIBRARY TAIWAN R.O.C.



十五省鄉望疏上王坤啓視殊不悅未幾十四人
皆殊之山西道御史劉湘容一斤永茂佛然曰朝
廷方以經筵責茂以十五省人進非私也令斤湘
容者斥茂也即日解舟去式韜疏言大臣論薦新
朝試事司禮監輒去取其間無以服御使何以安
大臣坤復疏薦海內碩御數十人式韜又言司禮
抑人不可薦人更不可吏部都給事中劉壽等疏
論坤內臣不得薦人永曆怒以逆壽等式韜持

之得復用御史童琳叅都御史周光夏越資序題
差用私亂臺規非法命廷杖琳式韜力救得免陞
翰林院檢討方以智為中允改御史劉湘容為編
脩充經筵講官坤不悅湘容且疑劉壽疏出以智
手以智啟舟去時十二月十五日

大清總兵李成棟兵薄廣州命前鋒數十人以紅布
裹頭扮作廣軍直至城下奪門而入副將杜永和
擒紹武并周王益王遠王等盡斬之蘇觀生伏誅




TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

肇慶隨發副將楊文甫張月領兵克取高雷廉三
郡即於二十九日一鼓而入梧州廣西巡撫曹煒
出降梧屬俱過令納印及南雄韶州二府報捷別
遣副將關可義等前赴瓊州二月永曆抵桂林武
柵肅殿陛勅守禦誕告楚蜀各鎮粵西居山川上
游桂誠可都疏請道里之可達桂林者王錫象文
安之為相周堪膺郭都賢劉遠生為六卿時給事
中丁時魁疏論新政琅：石劃呂掌禮科給事中

顧元鏡何吾鬪皆投誠百姓雜髮歸順時有石馬
徐鄭四姓聯躲海上花山楊光林亦擁衆數萬水
陸交訐民不聊生成棟相機勦撫於二十三日發
兵往南韶而親下肇慶二十五日聞報式柵請視
師督戰士駐峽口王坤復請永曆西避之式柵爭
之不聽遂駕小艇上西峽丁亥正月朔至梧州時
丁魁楚惑於奸弁蘇聘從梧西走岑溪王化澄走
潯州隨行者止式柵一人是月十六日成棟克定




金堡素有清直聲終制勅召還何騰蛟晉閣學督
師而丁魁楚在岑溪屯兵千餘

大清招之不服乃水陸設伏大戰藤江丁兵敗魁楚
中箭死之隰江平樂相繼投順高雷廉三府俱報
捷四月

大清兵渡海克定瓊州方警報之疊至也王坤又趣
永曆往楚式耜上疏言勝負存亡山川要害甚激
切畧曰駕不幸楚師得以展布自有出楚之期

茲半年之內三四播遣民心兵心狐疑局促如飛
瓦翻手散而覆手合又曰在粵而粵在去粵而粵
危我進一步則人亦進一步我去速一日則人來
亦速一日又曰楚不可遠往粵不可輕棄今日勿
遽往則往也易今日若輕棄則更入也難又曰海
內幅頓止此一隅以全盛視西粵則一隅似小而
就粵西恢中原則一隅甚大若棄而不守愚者亦
知其拱手送矣孽跪涕泣不可挽無已請身留桂



駕將回桂林耶柳幸武崗辰沅耶今日原以恢復
兩粵為心則不徒西粵未恢不可移動即東粵未
恢亦且當駐全也故承胤等喉杖湘容等以湘主
還蹕桂林之議也承胤諸部至桂挾餉不出兵武
耜搜括庫藏而外捐糞萬金夫人耶亦捐簪珥數
百兵卒不肯出與蕉兵主客不和譁變擊闔掠市
而去為五月十四日永曆竟駐武崗五月廿五日
大清兵偵兵變積雨城壕環攻桂城吏士皆無人邑

連負創奮臂呼督師撫按肘羽腹石分門嬰守用
西洋銃擊中馬駢尋出城戰奮勇擊獲日辰抵干
不及餐式耜括署中米蒸飯分哺之士卒俱樂用
命明日復出戰

大清兵旋去式耜先令路將馬之驥伏於隔江犄角
接應固圍倍慎是三月之內危於


清亂於兵式耜一手指揮連乃得底定連久將桂得
桂人心式耜國士遇之故獨得連死力以保桂功



晉式韜兼太子太師臨桂世伯式韜辭不拜疏上
不允復請告自初言自二月十五以迄五月二十
九此百六日中遇變者三皆極危險變故當前總
辦一死字亦遂不生恐怖不起愁煩惟是臣之病
不獨在身而在心不徒在形而在神身與形之病
可療也心與神之病不可醫也又疏再請返蹕全
陽卒不聽乃督璉振朔下平邦傳由賓柳亦及潯
并復梧至八月具疏上言粵西全定請還桂林昭

告興陵時巡道嚴起恒以儀表魁梧拜大學士督
師何騰蛟駐衡州堵胤錫駐長沙詎。

大清三王平定長沙而衡州相繼盡失總兵黃朝選
楊國棟等被執尸幾斷流八月二十四日武崗復
敗永曆又播越入粵次柳州式韜屢疏極言不可
他移一步滇黔地荒勢隔忠義心蕪三百年之土
地僅存粵西一綫且山川形勝兵馬糗糧俱有可
恃時督師何騰蛟新輔嚴起恒及劉湘客咸至桂




南安侯郝永忠率兵驟至宜章伯盧鼎亦至自楚
式耜復疏極言柳州徭獞雜處地瘠民貧不可久
駐慶遠壞鄰黠粵南寧地偏交夷不可遠幸時騰
蛟與永忠禹璉等俱分防任汎會土司覃裕春子
鳴珂與道臣龍文明構兵永曆復次象州式耜與
騰蛟起恒相容等籌畫調和主客集永忠璉營於
神刻期出師宜章鼎與滇鎮總兵趙印選逆各分
路駐全：州戰勝請帥連營而軍

大清兵因次楚十一月永曆自象州抵桂式耜與起
恒並相司禮龐天壽七月請催兵下梧久在粵舊
司禮王坤被承胤逐者復入自武崗至柳至象票
擬皆金吾吉翔手也式耜疏請永曆攬大權明賞
罰嚴好惡親正人聞正言威德兼行以服遠近時
謂名言騰蛟再督師出全兵益不睦璉下平樂永
忠暨興安未幾永忠營被襲疾至闕欲撤兵左右
禁近刻期欲永曆遣式耜持不可言督師警報未



至營夜驚無大恐二百里外風塵而遠使主露處
耶播遷無寧日國勢愈弱兵氣愈難振民心皇：
復何依潮迴波逝雖長年三老能逆挽其戰棧哉
左右禁近周悼不能止式韜又請曰無已候督師
歸果急甲士正山立觀兵督戰咫尺威嚴勸激將
士背城借一勝敗未知若以走為策桂城危柳益
危若今日可到桂明日亦可到南大反覆數百言
淚下沾衣嚴起恒^曰遲至厥明五鼓前夜半而永曆

曆已行矣是戊子二月二十二日也時潰兵肆掠
蹂躪公署職官無一得免式韜被逼登舟黎明刑
部侍郎速生給事中丁時魁萬六吉及湘客俱至
蓋湘客奉命安撫亂亡及勸餉糈而速生時魁以
呂將入也遇式韜於樟木港式韜集速生等入民
屋立草檄分路四發暫駐陽朔催運兵上援楚鎮
周金湯熊兆注亦入桂又檄翰林蘭討蔡之後大
理寺評事朱盛霖先入桂宣式韜令檄按察司僉




事邵之驛部踵兵定人心式耜於初一日復入桂
署督師騰蛟自永寧至滇鎮胡一青統兵至踵自
平樂統兵至

大清兵疑桂城空虛直抵桂北門三月二十二日騰
蛟督兵三面禦之

大清兵渡甘棠去督師列營榕江永曆詔旌式耜賜
銀幣又賜精忠貫日金圖書一枚式耜念主宵衣
南寧蠻鄉不可久駐日為永曆清道前日所憂在

內者令更在外督勳鎮將士直取全州促巡撫魯
可藻下會東人有反歸信令可藻繕兵以待會可
可藻銜自署兩廣舊例東撫稱制兼粵西：撫稱
撫式耜曰方今武人多自署撫軍帥一面帝制輒
自命貽遠人笑予代疏請銜局不可周鼎瀚以閣
部式耜亦疏正之當武崗之亂言官彈鼎瀚以
附承胤入直式耜司票擬獨不苛王沂公曰進賢
退不肖皆有體瀚係大臣應聽自謝免不謝免而



成君子之志遂自刎頸成棟抱尸大哭明日即承
冠將總督印具疏迎駕又江右金聲桓據南昌藏
表疏於佛經部面中遣使賫奏亦至兩粵俱稱全
土式報疏請往桂又請永曆勿遷東又言事權宜
專號令宜一茲軍功齎賞文武著置決於成棟若
歸之朝廷則中擾閭外不能專制聽之朝廷徒虛
拱且楚點雄師百萬騰蛟翹首感靈如望雲霓駕
既東軍中將帥謂朝廷樂新履之士成棟亦有邀

駕之嫌號令既遠則人心渙散請一見東諸侯俾
共瞻至尊音容面為慰勞指屬然後責其盡意於
東刻期出戰咸決於外不中擾也又疏令簡討蔡
之俊入迎再疏令給事中蒙正發迎永曆竟由梧
入肇先後諸疏俱不報式報聞淚霰：下再疏謂
前日粵東未復宜往桂以視楚今日江廣反正則
宜往桂以圖出楚事機所在毫釐千里吏部侍郎
吳貞毓疏請永曆往廣城式報乃促速生入阻永



歷適成棟自嶺還師修行宮且迎駕永曆命逸生
詣廣勞師逸生謂成棟曰今駕駐此爵賞任茂人
疑有私不可不嫌成棟然之遂罷修行宮止迎駕
成棟具疏言式耜擁戴元臣身西扼禦定母容久
於外應亟召還綸靡永曆專命遣官三四召式耜
曰前日在南寧桂林危桂林危則天下去矣其機
在外不在內也今江廣悉定何公督師下星沙朝
臣且輻至于不敢忘危而即安具疏乞骸再上不


允己丑正月

大清兵破湘潭何騰蛟被執初騰蛟檄各處兵馬齊
集湘潭而命馬進忠等由益陽抄出長沙下邛截
上下舟船焚掠湘陽斷絕水道一隻虎率大隊復
至長沙絡繹攻圍值

大清援兵合至戰勝於湘潭騰蛟被擒斬之二月


大清兵破信豐李成棟歿於陣南昌敗書復再聞先

是聲桓踞南昌



大清兵晝夜攻擊破之王得仁伏誅聲桓赴水死於
是先後贈騰蛟中湘王成棟亭夏王聲桓豫章王
永曆設壇掛帛皆投淚親祭專命式耜留守督師
兼江楚各省兵馬永州兵再退式耜疏請兵科給
事中吳其靄監各營軍再出當永曆駐肇慶疏奏
諄：以歲月稍暇財賦優裕用心盡力修內治以
自固嚴外備以自強且積弊之後易致中興也一
才一藝之士靡不收羅幕府每慨人才凋零殆盡

凡跣足而至者非懷忠抱義之人亦亂世取功名
之士人之歲月精神不用之於正則用之於邪安
可驅為他人用故人咸以桂林為稷下四月雲南
張獻忠養子孫可望遣龔彝之弟龔鼎獻南金二
十兩馬四匹移書求封親王名疏給事中金堡固
爭以為祖制無有而廣西南寧府與雲南廣南府
錯趾可望來書有不允封疏即提兵出戰等語陳
邦傳恐甚先封秦王尋封為荊郡王可望不受後



封時楚制堵衛錫以楚敗達聲慶滇營自永全還
桂與焦兵猜疑生隙忠貞營自蜀轉戰由楚至梧
休息甲士

大清遣使貽書招式耜式耜不從永州再報失利興
寧侯胡一青兵還榕江式耜復辦糧械趨出兵屯
於全民力窮竭誅劉無術槁悴萬狀永歷聞為廢
食召廷臣議於慈寧宮發東餉一萬而是時

大清兵圍困會慶於平和尋出降殺之而詔安等處

一時俱歸於我

大清鄭芝鵬踞石榴城


大清兵至隨遁去劉中藻在福寧勢窮自縊福建盡
失惟延漳汀三府界連江右而延平所屬皆處萬


山中

大清兵既回遂立德化王朱慈燁踞將軍寨先臨大

田繼破龍溪攻順昌將樂至十一月

大清兵討平之王被獲兵部尚書羅南生等降庚寅





國立中央圖書館, NATIONAL CENTRAL LIBRARY, TAIWAN, R.O.C.

